

二
林
居
集

二林居士集卷之十三

長洲彭紹升允初著

薛家三

薛家三

薛家三名起鳳少孤依其舅比邱廣嚴福公福公傳磬山宗
既退揚州法雲寺居吳門隱于卜得錢資家三從師問學間
與家三論佛法家三輒領解福公喜屬家三曰末法眾生不
識心原儒佛互諍子誠欲見儒者身說法要以見性爲宗真
能見性何儒佛之有家三終身誦之子初未識佛家三數與
子言佛子笑曰吾與子游方之內者也安事佛家三曰子欲
自外于佛而不知佛之無外也子且以何爲內哉子瞿然有

省則問曰。輪回之說信乎。家三曰。日月之行。嬪乎晝夜矣。寒暑之運。代乎春秋矣。其昭然于天地之間者。未嘗或息也。柰何。疑人心之有息乎。予撫几而歎。悔聞之之晚也。予之向佛。蓋自此始矣。久之無所獲。商之家三。家三曰。學莫患于數休。而功莫患于杜撰。本體之不明。自私而用智。百病之叢也。逝者如斯。有停住否。不舍晝夜有造作否。彼怠廢者不足言矣。若乃彊生枝節。彊作聖證。搏而躍之。激而行之。豈識在川之意也。又言大學之言誠意也。一棒一條痕。一搥一掌血。學者須從此下工夫。其言正心也不著一字。盡得風流。學者須從此識本體。欲識本體。須知渠本來汙染。不得子在川上舜居溪山。無一豪汙染而已矣。家三善論說。聞者隨其分量。莫不

飽滿頃三四年。患肝疾。頗自抑制。意氣日益減。其將卒之年。疾作。箴之不吉。署紙尾曰。勿起。妄心勿生。妄見。修行懺悔。時哉。時哉。此可以觀其素矣。家三年二十七。舉于鄉。會試輒黜。尋主沂州書院者三年。乾隆三十九年九月。自沂州歸。越四旬而卒。年四十一。天性愷悌。雖居貧。能急人之困。有師周鹿原。老無依。家三資之入。支硎山卒。爲斂葬焉。其姊家負人百金。將歿前數日。出金爲盡償之人。尤以爲難。居常好爲詩。思淡味隱。耐人尋索。嘗欲偕一世之人。徵儒佛之樊。游大同之宇。雖終鬱塞以死。而語言文字之存。可攷而知也。詩凡若干卷。予旣錄而刻之。而每追念家三生。平爲人大旨。與往時之論說切磋。不可忘也。著爲述。示吾同志。

陸君丙嘉述

陸君丙嘉與予爲內外兄弟君父母皆中歲棄世遺君與女子未嫁者一人吾兩人爲往紀其喪挈君與其次姊以來君于時年十三矣予少君四歲呼君爲哥君讀書予家與予異師每師它出予輒攜書就君所讀之高下抗墜若墳簞之交奏也君性穎發敏于文予初學文下筆苦澀君間潤飾之師輒歎善予因是不能一日而離君也君與予異師者三年已而合者四年君次姊既嫁王氏君尋補諸生還故居成室予亦時往來南北迹少闊矣然方予在家時君來晤予闕不過半載予主君才三度其初至也與君乘月泛舟上三峯宿清涼方文明日過劒門循拂水巖而歸其再至也君導

予步虞山之麓訪言子墓拜巫公祠三至復與君坐肩輿上
三峯拜漢月禪師像過興福寺以歸先後二十餘年而今乃
哭君之歿也烏呼繼自今誰主予而導予者乎予且絕迹于
茲土矣君諱金鱗字丙嘉世爲常孰人父諱國英字書宣舉
順天鄉試終于家母彭氏爲予長姑自君爲諸生厚自檢束
口無妄言動無邪行鄉黨稱之乾隆三十七年舉江南鄉試
一上公車不第歸而教授里中席賣其田以興宗祠其叔父
與君爭田至訟于縣廷已而叔父歿無餘財君爲殯葬迎叔
母而養之予始樂與君論文其後予論文頗與君異指已遂
不復論文閒與君商所以自處者而已今年七月君得疾以
卒年四十一疾亟時猶記憶予君之卒也遺一子僅周歲其

姊夫錢君實輩其喪且謀所以恤其孤者

吳丈改堂述

予少時私慕古猿者之爲人以爲今之士卽無敢冀中行能不屑不潔焉斯可矣已而游于世涼涼然莫予應也而吾鄉先輩陳丈和叔獨心異予見予所爲文輒以范希文屬予夫子何敢望希文然觀陳丈之意一何與今之人不侔也陳丈平生負氣慎取與好持清議一應博學鴻詞徵廷試被黜遂棄科舉食貧著書卒以窮死自陳丈之歿而吾鄉先輩可與道古者少矣其後十餘年予復得與吳丈改堂游吳丈于陳丈爲母黨同舉博學鴻詞同被黜吳丈晚而尤窮亦負氣有節槩年六十餘寓紫陽書院揖讓諸生閒諸生以祭酒推之

然憚其嚴終莫敢近也予始讀吳丈文奇之旣而相見吳丈
自道其師友淵原如義門何氏望谿方氏皆嘗與之游而得
其爲文之旨予因語吳丈先生之于文術淡矣顧亦嘗從事
于古人之所以爲文者乎夫文之至者類不在言議之工薦
飛戾天魚躍于淵文王之文也江漢以濯之秋陽以暴之孔
子之文也聖門弟子若顏氏之瓢飲曾氏之風浴蓋庶幾焉
自餘季次原憲之徒猶不能與于是今先生何不唯顏曾之
是師而沾沾焉何氏方氏之師乎吳丈聞予言爽然其若有
失也其後屢見予始從予借觀宋明先儒書予復勸吳丈勿
復應科舉吳丈不能從然每語人吾不意垂老獲遇彭君殆
天之所以私我也年七十餘應省試得疾歸又一年歿頃之

其宗人將修族譜乞予言。爰比次吳丈之爲人及與予所以相知者而惜予言之不及聞于陳丈也。吳丈吳江人初冒張姓名元後復姓吳名燮字萬長別字改堂。

王生越珊述

去蘇州府治東南二十里有湖曰澹臺湖。湖南有尹山。山之上。有澹臺書院。居人爲木主祀先賢子羽。子游而以先曾祖南昀府君附澹臺之名。不知始何時記。傅子羽南游至江弟子從者三百人。豈嘗設教于其地與。子游在武城獨傅子羽賢二人者。又同游孔氏之門。弦歌之化當不獨武城所傅從者三百人意者。皆學道之君子與。然吾聞尹山之人儉嗇務力作不喜讀書。予嘗過其地徘徊湖上訪先賢之遺風闕。

如也。乃吾于王生越珊而異之。越珊名瑚伯明文恪公鑒九世孫也。生于尹山家貧。父令入市中佐人爲賈。意忽忽不樂。挾一冊書。暇輒誦習之。已而依其舅宋君子遷主會計。日誦所挾書如故。外兄振翼憐其志。爲致童子數人。俾授句讀。生喜曰。是吾心也。遂習舉子業。已而從何君虎占游。何君資之。使卒學。以其從子妻之。乾隆四十一年。補吳學附生。弟一生平修謹。躬孝弟之行。束脩之入。輒以奉親。親疾脫衣質錢。供湯藥。匿不使親知。年三十始娶。娶一年而効。子聞之。宋君子安云。夫聖人之道不傳傳者書而已矣。世未有不讀書而得有聞于聖人之道者也。王生知讀書矣。惜其進不獲與子羽之徒游。退又不獲從如南畝府君者。歌詩習禮于一堂之

上以庶幾學道之君子而遽短命以歿也。悲夫。澹臺書院中廢。南昀府君嘗爲文募金新之。府君教澤多在州里閒。而尹山未之聞焉。然而尹山人之祀。府君者在往時必有故實矣。予嘗問之子安弗知也。

羅臺山述

臺山名有高寧都瑞金人曾祖萬搏祖遇封縣學生父讓太學生臺山少而雋偉年十六補諸生其明年寓零都蕭氏別業徧讀所藏書因慨然慕古劍俠者流習技勇治兵家言視同學生蔑如也。久之。人有道零都宋道原之爲人者。治先儒書謹繩尺。躬孝弟之行。君子人也。臺山聞心動。欲一見道原。會學使按贛州。臺山偕同舍生以行。試零都。日度道原必在。

往訪果得之。自陳所學。道原不許。臺山盛氣力辯之。道原曰。幸少安。爲子剖其理。昔橫渠先生見范文正公。言兵事。公弗善也。授以中庸。足下之學。視橫渠何如。吾弗敢知。使如橫渠。固非儒者所尚也。況未必如也。天生烝民。有物有則。視聽貌言思物也。明聰恭從睿則也。能全是理而後能有其身。能有其身而後。閨門順敘而家齊。達而行之。若有原之水。有根之木。滂沛條達。無湮塞夭折之患。及其成也。身亨而道泰。故足樂也。今察足下氣浮而言疾。神明擾擾。常若有營。以此游于世。得免刑戮。毋累父母兄弟足矣。尚求有濟于天下乎。臺山面赤汗沾背。四肢局縮。不自容。請曰。何以教我。道原曰。子反而求之。宋五子其師也。嗣後過從甚密。一日。道原屏人肅衣。

冠跪而泣曰。子蔽錮深矣。誠不忍以子相愛之誠。聽子淪墮也。臺山亦跪而泣曰。何以教我。道原乃出其所作持敬主一。二銘曰。勉爲之已。而道臺山見贛州鄧先生。鄧先生名元昌。篤于儒道。原所師事者也。臺山于是幡然棄所學。徧讀先儒書。尤喜明道象山陽明念庵諸先生之論學也。因諸先生之論。以上闕六經孔孟之文。旁推曲證。多剏獲之旨。年二十餘。謁寧化雷公貫一。遂受業于門。每有陳說。雷公曰。子忒殺聰明。然譬諸活水銀。吾懼其流也。居歲餘而歸。乾隆二十七年。學使謝公察優行。貢太學。遂如京師。予時方侍尚書公于邸舍。一日過編修彭衣春。得臺山試卷。奇之。遂造訪焉。已而文字往來日密。三十年秋。尚書公主順天鄉試。予邀臺山。

習靜于蘇州會館。榜發臺山得舉。其年冬。子南還。明年臺山下弟歸。過子家。復與子閉關七旬。靜中瞥然識得學問頭腦。自謂于入手處。決定不疑矣。子友汪大紳治儒釋兩家言。才辯無礙。見臺山而心折。嘗言作聖工夫。須從可欲之謂善。一語下手。臺山云。此是初心所證階級。非工夫也。下手時。便須踏實地。若以生滅心。求不生不滅法。無有是處。孟子言。必有事焉而勿正。心勿忘。勿助長也。當下示人不生不滅本體。從此一肩擔起。直造聖域。有何疑哉。居常終日。欽欽無惰容。無疾言。有問學者。必告以九容。繼以九思。其言曰。傳云。民受天地之中。以生。所謂命也。是以有動作禮義威儀之則。以定命也。能者養以之福。不能者敗以取禍。能與不能。思與不思之。

謂也。外襲而色取。不根于心也。思繼心。常存其于本也。庶矣。施于四體。不言而諭。幾于命矣。然而道始于勉強。植于知本。而成于無曠時也。驟而希自然。必不立矣。作而致之。必不久矣。慎之哉。臺山故好讀楞嚴經。至是信向益切。遂長齋。徧讀諸大乘經。及諸經義疏。嘗言東西二聖人。權實互用。門庭迥別。究其歸宿。名相離言。思絕一且不立。二復何有。唯自證者知之。非可以口舌爭也。故其所論說。蘊梵交融。奏刀砉然。關節開解。能使塞者通。離者合。若徹屋蔀而闕天日也。旣還家。率諸族子弟入鳳皇山。朝夕講肄。導以爲善興起者。頗眾。三十五年入京。會試還。舍于家。聞母赴乃行。尋游廣東。客恩平。知縣李素伯所。比歸膠州。法鏡野致書及所著文論春秋大

旨且謂南宋諸儒不識時宜持方枘而內圓鑿乎臺山復之
云承示春秋取義測見事春秋二敘破經師之陋發先聖賢
之蘊使學者卽事爲之著求性命之歸顯微一致內外同條
誠不必外民生日用空談名理雖然本末先後之序亦有不
可彊合者聖人作春秋東規西矩南衡北權中繩五則不爽
萬物就裁其本在于學易學易之本在于謹彝倫慎言行約
之于禮人之彝倫言行壹于禮則性復仁全措之正施之行
變化生而經緯天地之事起此聖人所自盡而願天下萬世
同歸而無岐者也南宋諸大儒所爲固固持堯舜孔孟之道
于國事倥偬之會者此春秋之義也謂別無說以易之也道
不可以二故也孟子曰不以舜之所以事堯者事君不敬其

君者也不以堯之所以治民者治民。賊其民者也。建三才。橫六合。一道而已。二之則惑。反之則亂。禮大傳所云不可變革者也。亦卽先生所云滄海橫流。經常大義。確乎可知者也。南宋之君不能勉彊信用。不專諸大儒之說。未嘗一日得施于事。是以卒成爲南宋也。孟子述唐虞三代于戰國擾攘之時。朱陸陳誠正義利之辯于南北交訌之日。其揆一也。夫所謂時宜者。立權度量。攷文章。改正朔。易服色。異器械。殊徽號。得與民變革者也。聖人鼓舞盡神化。裁盡利。旣竭聰明焉。至于天之經地之義。人之行。則無所謂時宜也。南宋諸大儒之所靜論天經也。地義也。人行也。烏得而不斤斤也。先生幸孰思之大。紳見其書歎曰。上帝臨壇。萬靈拱肅。世尊下降。諸天震

動于此文見之矣。三十七年復入京會試。攜其幼子之明來舍之去。其還也。乃攜以歸。居一年。出游至宜黃。有余子安者。館之石甍山僧舍。日誦鸞嚴經。修念佛三昧。尋至揚州高旻寺。主僧昭月貞公。門風甚峻。臺山屢呈見解。不許。曰。此是口頭學。得何關本分。詰以古德機緣。不能對。臺山憤入禪堂。隨眾起倒。晝夜參究。居半年。積疑頓釋。一切淆譌公案。當下豁然。遂辭去。偕同參二僧度錢唐。至奉化西峯寺。一日出白金易錢。縣胥疑其盜也。捕之。臺山手仆三人。餘皆逃。尋自詣縣。縣令升堂見之。叱使跪。不應。詰其姓名。不荅。羈之。告成寺。寧波邵海圖者。臺山同年友也。聞其事。白于令而釋之。遂客海圖家。明年度海上落迦山。禮觀音大士。已而至蘇。與予偕游。

太湖之洞庭樂石公之勝。賃僧舍而居之。其年冬海圖還之。還寧波。四十二年。偕海圖入京。京中士大夫聞其至。多相從。論學臺山。應機析理。發抒心得。聞者莫不暢然。暇輒焚香。展經。宴坐。終日。明年會試。報罷。得風疾。日消損。海圖爲購人療治之。疾良已。其秋南歸。道子家居兩月。疾復發。杖而後行。又明年正月六日。抵家。甫逾旬而卒。年四十六。疾亟。口喃喃。傅說道妙。與兄弟設以不得終事。父爲憾。妻子環視。無它言。臺山天性孝友。家庭閒。每有拂逆處。之退然。與人交。無賢愚。必款款盡言。引之于道。人有一善。愛而護之。若明珠之在髻也。有不善。憫而戒之。若疾痛之切身也。其志彊。故其所以自任者。甚重。其願廣。故其所與人者。甚誠。其學無常師。行無涂轍。

而一。不。過。乎。心。之。所。安。與。義。之。所。止。烏。呼。奮。百。世。之。下。希。三。代。之。英。斯。可。謂。豪。傑。之。士。矣。居。常。治。古。文。最。精。審。其。言。曰。文。也。者。道。之。迹。也。修。之。于。身。措。之。于。事。業。者。爲。道。修。之。于。身。而。次。第。其。功。候。節。目。之。詳。明。其。甘。苦。得。失。之。故。措。之。于。事。業。而。條。布。其。治。術。敷。悉。其。德。產。精。微。之。極。致。章。往。察。來。相。協。倫。類。出。于。憂。患。同。民。不。得。已。之。誠。其。言。奇。正。不。同。其。氣。之。行。止。節。族。之。長。短。高。下。抗。隊。疾。徐。一。順。法。象。之。自。然。而。不。與。以。私。智。以。其。燦。著。烜。照。心。目。物。察。倫。章。則。文。命。焉。故。君。子。誠。慎。乎。其。文。孟。子。論。不。動。心。推。本。知。言。與。養。氣。竝。而。繫。辭。傳。備。舉。數。等。之。辭。爲。法。戒。誠。學。者。所。宜。盡。心。也。又。以。訓。故。不。明。則。文。字。根。柢。不。立。支。離。杜。撰。規。矩。蕩。然。故。于。爾。雅。說。文。治。之。加。詳。一。字。

之義往往引端竟委反覆數千言臺山殤其文多散佚道原致書魯絜非將按討其文錄而傳之而首以屬子子嘗錄臺山文爲一集至是將益廣之顧念吾兩人平昔契好之誠切磋之密其可以無言遂論次其本末爲之述以諗之同好焉

秋士先生述

秋士先生彭姓諱績長洲人初字其凝已而更字秋士中歲好爲詩故吳人之言詩者往往稱秋士先生也高祖行先以高才貢太學明亡不仕自曾祖以下三世皆布衣父景驥修長者行先生少端植如偶人長而耿介不蹈非禮意所不可雖千金弗屑也與人落落或竟日不發一語然其所敬愛寤寐歌思無少愒置嘗一應縣試喧啗中斂手視日景遂投卷

出自是絕意科舉而并力爲詩其爲詩凝神宵默脫去麤蕘
砉然開通萬象奔赴近觀物恆遠徵蕃變幽顯畢章情貌唯
肖至其驂騰古先陵轢輓近肺腑流注繩墨自然丹砂空青
視聽希有斯乃精靈超變不可方物者矣未嘗數數爲文然
有作輒工尤長于紀述出入魏晉之間時復類左氏班氏吳
縣汪縉瑞金羅有高最所賞歎其它知之者蓋鮮焉先生嘗
自敘其人繫以贊曰飽喫豬肉童心來復不尤隻翼不怨偏
轂囊無豪餘瓶無撮粟光潔一身浩然萬足族子紹升聞而
歎曰先生其知道矣乎然先生早歲喪父壯益窮母妻相繼
殞賣屋以葬寓木主僧舍家具蕩盡獨攜先世遺書二簞轉
徙無常居性好山水館洞庭得疴疾歸復創足不良于行歷

主吳震元王維城李大夏爲童子師顧影悲咤莫能自釋。何病卒年四十四其卒也。客外生張豹文家豹文爲治斂族人立其再從子以成爲先生後以遺書二簾畀之。紹升長先生二歲先生視以密友病亟出夙所著撰俾爲論次先生卒紹升旣校定其書爰述先生之人以諗諸知先生者。

沈先生述

彭紹升曰予自成童以往從吾鄉諸先輩游其閒高才博學者有之矣乃如古之人反身尋樂求自得于心者何落落也。蓋久而后遇沈先生云沈先生及見先侍講公又與尚書公爲同學友觴咏酌酢垂數十年然予之知先生與先生之知予不僅通家游好而已其于性命之際有密契焉此予

之所以不能無述者也。先生諱執中，字立方，先世自茗谿遷蘇州，居葑門外之官浦。有諱林者，明成化中進士，官至都御史，巡撫山東，祀鄉賢。我

朝康熙中有諱叔明者，始移居府城，子謙，善醫。生三子，先生其長也。少而聰穎，既冠補長洲學附生，已而試高等，補增廣生。屢赴鄉試，不售。年五十餘，不復應科舉，自以多病，循覽內經，至恬淡虛無，真氣從之，灑然有省，以爲養生之道，莫切于此矣。遂時時鍵戶，調氣息，心久之，病去，氣日沖，心量日廣，自謂真樂見前纏縛自脫，因題其室曰心太平。居作太平吟四首，以恬淡虛無分屬焉。其一曰：國太平，境無虎，家太平，人安堵，身太平，揚蹈舞，心太平，去城府，藝硯田，逃稅戶，抱遺經，唾

塵腐山水緣。月三五。胡蝶夢日卓午。四海大胥樂土。三萬場
畢吏部子孫。魯篤斯祐。天甚普。人何苦。其二曰。國太平。煙無
埃。家太平。蔬滿囿。身太平。隨左右。心太平。泯聲臭。一瓢飲。安
且富。五柳風入寬袖。腥膻地。牛馬走。錦繡林。嚴霜帶。醉山水。
不在酒。淡蕩友。對清晝。疏松奏長睂。壽石可漱居。何陋。其三
曰。國太平。化神代。家太平。高曾在身。太平。退藏背。心太平。絕
瑕類。一炷香。無晨晦。半輪月。空罌礙。幾點煙。渺泰岱。想非非。
夢環佩耳。到順通。天載原出峽。放宇內。雲可栽。鏡相對。紛藻
繪。休滓歲。其四曰。國太平。巍蕩天家太平。寧醯邊。身太平。無
事僊。心太平。不二禪。仰碧落。識太系。俯混茫。忘魚筌。浮雲去
何處。牽清虛。來自在。眠繪聲。手不在。川忘言。詩不著。入聲篇浮。

漚幻月輪圓看轉旋。識幾先。其它賞。嘗飲酒。觸物成韻。往往有伊川擊壤之意。蓋先生所自得者多矣。已而從予借王門傳習錄。閱之大樂。手鈔成卷。寶爲心印。以爲目得此而明手得此而仁。海上丹方。不是過也。所居古屋數間。泛埽則已。或請陳設玩具。先生曰。一門之中。父父子子。兄兄弟弟。夫夫婦婦。吾之陳設。不旣多乎。同里陳子瞻。性褊急。有一子。督責過緊。逃逝別居。睽隔者十年。一日子瞻詣先生。讀恬淡虛無詩。恍然自失。先生爲推言萬物一體之意。子瞻感激涕流。引咎自責。若無所容者。由是父子閒宿嫌頓釋矣。先生性愷悌。族姻故舊。最所敦篤。閒遇癘。獨必多方措置。俾無凍餒。歲大疫。製辟溫丹。施病者。多所全活。子杲之善承父志。樂赴人之急。

與予鄰近取堂周鄉閭閒窮無告者亦先生之教也。先生又嘗著萼萼詩三十六首。予題其後曰。淵明愛菊。濂谿愛蓮。蓮菊有時。孰與窮年。未若先生。萼開情田。不冬不春。亦魚亦鳶。顏生在巷。尼父在川。招我相從。看萼欲顛。先生以爲知言。卒年八十。時乾隆四十三年十月十八日。越十一年。孤孫家熊始以所書先生行實見示。其于先生學道始末。未之詳也。因追憶所聞爲之述如此。

汪大紳述

彭紹升曰。儒佛之相爭久矣。自趙宋以來。道儒學者尤喜闢佛。獨慈湖楊氏西山真氏潛谿宋氏白沙陳氏其書不諱言佛。且樂引以爲助。至陽明王氏倡良知之學。一再傳後。折而

入佛者殆不可悉數其最著者大洲趙氏復所楊氏溥門周氏石簀陶氏憺園焦氏東溟管氏正希金氏乃遂徹兩家之藩以究竟一乘之指其人類皆卓然有本末非苟爲論議者拘牽之士欲槩舉而逆之不得也近百餘年中王學旣衰而道程朱者閒出往往樹門戶塹城府于是乎儒佛之界重生棘刺矣吾友汪子大紳讀古人書統同辨異喜道程朱陸王之學通其隔閼其于西來大意信解甚利慕大洲二通之作著二錄三錄以明經世之道著讀四十偈私記以通出世之脈著讀易老私記以貫穿天人之際窮原洞委縱橫自在匠心而出獨蹈大方可不謂知言之選與大紳名縉世爲休寧人祖懋琳始遷于蘇父元僚早卒母程氏以節婦

旌有二子。大紳其長也。少不善記誦。年十六。試爲文數百言。立就塾師趙君維寧。文有師法。導以先輩程尺。已而疾亟。屬大紳必事其友吳君漢條。遂延吳君于家。吳君亦喜先輩。好讀書。故大紳之文得早自拔俗者。兩師之力也。年三十一。補吳學生。遂一意治古文。覃思奧蹟。游刃百家。積滿而流沛然。無阻有廣。嚴福公者。三峯耆宿也。見其虎邱題壁詩。詫曰。是白衣乃大有道根。里人沙斗初見其枯題等作。曰。此老杜先天詩也。初謂子從老杜出。卻是老杜從子出。而嘉定王光祿以爲讀大紳文。十州三島悉在藩溷閒矣。然其生平相與講學論文。往復不厭者。獨予與羅臺山而已。臺山寧都人。善古文。亦兼通儒釋。初至予家。見大紳小文。異之。遂造訪讀其三

錄歎曰。海哉。向覩君谿澗而驚。予則淺矣。袖而歸。發其菁華。兼繩削其不合。兩人輒相視莫逆也。萊州韓公復講程朱之學。知來安縣。闢建陽書院。聘大紳主之。以正學道。諸生已而歲荒。輟講歸。教授里中。落落不偶。嘗一應浙江學使竇公聘。校試文。歸而養病家居。以法自娛。不復應科舉。食廩歲滿。貢太學。未得教官而卒。年六十八。臥疾數日。口不及家事。素茗盡兩甌。連舛好好而逝。時乾隆五十七年六月五日也。一子殤立。從孫玉藻爲後。大紳在時。世多以文士目之。迹其自述。亦不過曰。因文見道而已。然生平志趣。殆不可測。嘗作無名先生傳云。先生講學。不朱不王。先生著書。不孟不莊。先生吟詩。不宋不唐。先生爲人。不獯不狂。先生處世。不圓不方。復作

歌曰先生有耳聽清風先生有眼看明月先生有身神僊人
先生有家山水窟先生于事無不有人欲說之壁挂口又作
撞菴先生記自偁學無牆壁行無轍迹其游乎儒曰坦蕩蕩
游乎釋曰冷湫湫游乎儒釋曰坦蕩蕩冷湫湫噫大紳之意
則遠矣晚而與予書言孤往之趣曰天之高也不附于天地
之厚也不附于地古今之寥闊也不附于古今孤往而已矣
人物孤往也交游孤往也著述孤往也名海中人老歿不相
往來矣予聞其言而悲之自莊屈以來述作相望具此心眼
者幾何人哉其在孔門所謂嚶嚶者邪抑所謂踽踽涼涼者
邪吾無從識之矣大紳旣歿遺書具存予刪而錄之復次第
其本末爲之述俟論定于後之君子焉

先妣宋夫人述

先妣宋夫人之卒也。日月遷謝。銜哀無窮。每念夫人仁孝大節。略備于我。公所述獨夫人一二軼事。感惻耳目。夙夜不忘。用敢涕泣志之。曰。夫人姓宋氏。行一年二十。歸于我。公有四子。紹升其季也。夫人奉舅姑。謹求所以得歡心者。無不至時。我公官京師。太公寓書。每偁夫人賢。太公晚而病目。夫人在左右。語及內外事。輒移日。又令夫人誦邸報而已。聽之。目以爲常。夫人樓居。其下卽太夫人居。夫人每戒家人不敢出高語。太夫人常早寢。夫人寢必以夜半。旣夕。聞人足音。輒恚曰。汝忘太夫人寢耶。太公旣卒。太夫人有疾。夫人終夜侍。紹升方孩提。

輒曳。夫人裾欲去。夫人欲詈之。則恐傷。太夫人意。既退。乃大詬笞之。顧唯恐。太夫人聞之也。夫人教兒子甚嚴。然有疾。憂之過于己疾。紹升病攤之衾。拊摩周旦夕。紹升年八歲。躓于戶闕。毀一目。多方治之。不愈。既長。每自外入。夜既分。讀書所臥室不休。夫人偶攜燈至。見之。悲曰。汝欲並廢兩目邪。趨之寢。夫人故嘗讀毛詩孝經。朱子小學。紹升侍臥起。輒爲誦其文。講說其大義。且曰。兒志之。它日好作一端士。夫人又嘗謂紹升曰。吾讀書每慕古節義事。往時爾父在朝。孤特無助。又體素羸弱。吾嘗慮其有它。卽不獨生也。幸今得其安樂。然汝曹不可不知吾此意志。士不忘在溝壑。何謂邪。又曰。吾昔事太夫人。太夫人每怒人而無言。吾

以意逆而解之。十得八九。又曰。吾昔居京師。娠爾。術者謂我。是年秋當歿。日向天祝。願得一活兒。時汝兄及姊皆幼。因量短長爲製冬衣。曰。勿使吾歿而兒寒也。又曰。吾昔事汝父。有緩急。匿不以告。而自貸于姻黨。聞恐累汝父志也。賴有天幸。不至大困然。夫人至晚歲。家有田數頃。而日用費滋廣。再經水旱。田不孰。日用常匱乏。夫人頗以爲憂。又疲于治事。食漸減。夜不能寐。而夫人遂以此得痼疾。哀哉。夫人性開朗。與人甚周。施財不少吝。奴婢有小過。弗問也。或飲酒博塞。則痛懲之。曰。是盜媒也。有相訐者。不卽發。徐察其虛實。治之。內外肅然。家有興造。役及錢穀出入。親監之。平居辨色而興。勤勸終日。食味無常珍。客至。膳飲立具。與我公敬如賓。

見公至卽瞿然起立。公怒下氣以待。怒稍解乃徐論其事。公再督學浙江任將滿。夫人度太夫人年高不能從。納側室程氏侍。公北行而已終侍。太夫人畢兒女昏嫁。蓋紹升娶婦之明年而夫人病。病半歲而遂以歿也。哀哉。長姑歸常孰陸氏。夫婦相繼歿。夫人白我公往紀其喪。挈其子男女二人以歸。女長以嫁。男讀書補諸生。家有老嫗三人。其二早寡。厚卹之。夫人卒。三人者相代哭。極哀如是百餘日。方疾甚。紹升與兄姊侍夜。必命就寢。不得已假寐戶外。不敢使夫人聞知。夫人卒。太夫人哭之慟。後歲餘亦卒。烏呼。夫人生而桴紹升旣詒。夫人以無窮之憂。夫人卒。又不獲從。夫人于地下。苟延視息。辜釁日深。大懼。

陷于邪辟致夫人所以訓厲紹升之旨不自而夫人平
昔志事漸以腌昧則紹升歿不瞑目因就紹升所及記憶者
謹條次于篇

廿九日止非

二林居集卷二十二終

二林居集卷三十三

長洲彭紹升允初著

傳

彭氏家傳

昔在先人緇蘇州彭氏世譜斷自明初始蘇州彭氏之先故
楊氏明初有彭學一者江西清江縣人也元末練土兵以衛
鄉里已而自歸于明改隸蘇州衛學一歿無子官取其姊子
以充籍是爲仲英公遂以楊氏承彭氏家蘇州焉有子
彥洪公彥洪公三子季澹庵公淳字至朴以貴雄里中
而性忼慨有貧交負其金焚券不復問嘗言吾家世習武子
孫當以文顯教其子讀書子三人南窗公時字中之性恬

雅築重樓讀書其上爲盜所掠累千金置不問盜敗亦不往求證曰吾可與盜爭是非耶工書好爲詩著見聞錄年八十從子隆池公獻古隱壽頌其辭曰夫游元化沐醇風不知帝力之于我何有稼而粒爾而衣熙然自足而無所于求者太古之民也避世金馬逃名市肆不以貴賤爲榮辱溷其迹潔其志超然自適而貴知我希者大隱之士也噫今之世有若人也哉我世父南窗公少而敏修長而幹濟學不干祿貧富乎書詩才可入政謹施乎孝友千金自致機利匪營萬卷自珍紕繆是校裕蠱之道成亢宗之聞顯然而被褐韞玉藏器蟠泥衣裾不蔽于權門履綦絕迹于公府恂恂退讓恥求聞達至于先子登朝策名制舉季父成業等樂素封公乃益

事肥遯。埽軌閉門。築白雲之閣。寄傲天游。闢綠水之園。逍遙日涉。悠然長嘯。不知戶外之有風塵也。翛然朗咏。不知世路之有名利也。高僧逸客。引而進之。駟駕羣軒。匿而避之內。無姬媛外絕。優伶一觴。一帙。從容恬夷。閱三十年如一日云。故好吟哦。每師陶阮。感時賦物。援筆成篇。池邊竹篠。盡刻新詩。檻外芭蕉。每題佳句。至于輜軒之所采。野史之所書。紀事紀言。罔弗綜貫。然木訥恥宣。簡牘不布。謂處士之分。應然爾淵淵乎。公之制行。太古之民。與大隱之士。與夫生周漢之下。而宅羲農。遠古之衷。周觀人倫。不亦罕已。繫之頌曰。繫我遠祖。齡邁八百。閱歷商周。日新其德。好同宣尼。詒燕我則。肇開洪原。世壽唯克。縣縣世壽。爰及苗裔。旣茂旣滋。日大以熾。有卓

宗英聿修克類克類伊何其德弗貳弗貳弗愆展也有造先
民是憲憲于直道含章履貞亦斐其藻旣含旣貞永錫難老
難老唯錫受天之慶大耋遐耆碩艾而康如彼松篁蔚蔚蒼
蒼夫也皤皤公則昂昂昂昂大耋克壯山立日敞日戒有嚴
有翼翼翼其儀景福來益天之益之矧壽其億君子矧壽于
祖有煥赫赫休光昭回在漢南極之精式降攸贊子孫振振
以介以獻又八年以壽終弟西枝公昉字寅之正德中成進
士知公安縣過家門戒妻子曰吾義不顧家慎毋以家累我
至官以廉惠爲治鄰縣盜發夜斬署門入無所獲遂劫庫藏
去被吏議降官已復遷新會縣夷獠阻山爲變入鄰縣據之
節鎮不能制掠平民誣爲虜獲屬公令杖之公心惻不以時

應又科斂煩數。公才益見紬。遂以情弱劾罷。老于家。東樓公
暉字升之。積而能施。見犯而能容。梧山公天秩字季庸。
南窗公季子也。爲人方嚴。篤內行而好急人之困。試南都同
里張生病疫。人畏惡之。莫敢近。獨公與其處調護之。而得不
死。戚友貧者昏喪不能自舉者。率周之。嘉靖中舉于鄉。三試
禮部不第。以疾終。年五十有三。隆池公年字孔加。西枝公子
也。工書治古文。善詩。嘉靖中。府察孝廉。上學使者徵入學歲
廩之。又檄令應鄉試。公一之南都。登鍾山。望大江而反。家貧
終不請廩。曰是升斗粟。天子所以活士。俟異日用者。吾安得
食之。請于後使者以免焉。夏文愍相聘公掌書記。弗就。嚴嵩
罷相。裝百金爲聘。欲屬公後事。亦弗應也。好飲酒。好游名山。

未嘗臧否人其歿也預克期至期焚鑪香盡一炷曰未也夏
炷至半曰可矣遂逝年六十有二我家自澹庵公南窗
公世有隱德常自韜匿名聲不出鄉黨至隆池公益厲高節
又傳以文采所與游多當世知名士自文待詔徵明歿吳中
之士羣推公以爲待詔之亞矣太倉王鳳洲嘗論之曰番番
黃耆天下模楷文先生近之若乃因時爲迹匠心成言應不
徇物止不近名其在彭先生乎梧山公二子長懋庵公汝
讓字原禮坦直不爲崖岸常獨行阡陌閒老友招邀對弈永
日以諸生終次 蓼蔚公汝諧字原樂少孤母朱氏保持之
事其前母兄甚謹母患兄則長跪爲請必得請乃起舉于鄉
爲教官丹徒修講堂飭祭器諸生以摯見貧者卻之有干請

者絕之。漕使者按部至縣。公長揖道左。使者謂讓公。公据典爭之。使者屈。改容禮焉。爲文麗以則。數千言立就。上官多引爲助。萬歷四十四年成進士。未授官。歿于舍館。年四十五。而東樓公有孫曰象江。公履道字仲達。博學善屬文。工書。以周易教授弟子。爲諸生三十年。貢于太學。不就選。年八十而終。玉遮公德先字敬輿。蓼蔚公子也。生萬歷中。儻有奇氣。以諸生貢太學。屢試南北不偶。憤曰。天下方有事。豈大丈夫俯首佔畢時哉。遂究討兵師算數之略。及水利邊防。星占諸家言。習弓矢。慨然有四方之志。福王立。當國者蓼蔚公同年進士。或勸公干之。公笑而不荅。祁忠敏公撫江東。開禮賢館招士。公乃上書陳兵食事宜。竝請蠲苛。

稅祁公得書驚異命府司具幣延公屬公釐正賦役綜故籍斟酌出入爲書書垂成祁公罷去

國朝定江東故圖籍盡散失司理沈旭輪復請公因前書爲據順治二年蠲卹賦額悉委公裁定蓋公之學稍見施行矣然公自是竟不復出初蓼蔚公卒京師公故不在側有王先生孝豐者實左右蓼蔚公後王先生篤老公迎養于家時其飲食調其疾痛疴癢若孝子之養父母也周忠介公忤逆璫削籍公往受業及被逮憤發欲與同難率二子再謁之繫所二子者其一一庵公一庵公每以語人曰于時幾不脫虎口公晚歲頗究出世法遇己生日輒手書金剛經時乘小艇詣先世墓廬出入震澤之濱晨夕

煙靄嘯歌自得。因自號游湖漁叟。已而買地玉遮山曰是我
歸藏之室。更號曰玉遮山樵。康熙四年卒。年七十有六。弟詒
令公行先字務敏。明季諸生。以拔貢授知縣。見國事日壞。不
就選。教授里中。逾四十年。康熙初。敬輿公旣歿。詒令公獨
享老壽。與同縣鄭先生士敬。金先生孝章俱以耆年高行。推
重當世。歲時過從。鬚眉皓然。商論文史。日昃不倦。公年六十
餘。自營葬穴。乞鄭先生爲志。而金先生書之石。其手具事狀
略云。生平與人落落如也。久而若初。鋏薄之行。自分無之所
患。愛不敢不勉。加于所不知。施于所不報。亦庶乎一二焉。又
云。持情平而流于弱。處物恕而不辭損。而鄭先生之論公曰。
就其獨行慕古。不以近人之學苟合當世。庶幾狂者之進取。

而有其志而辭其疾獨守其有所不爲之操抑亦懷者之流也。南昀公曰烏呼鄭先生可謂深知公者矣。湯文正公撫吳時每月言讀法必命有司延致公爲國人式公辭至再三不得已始一往亦未嘗謁謝也。既湯公入覲。

聖祖問吳中搢紳孰賢湯公首舉公以對。公年九十二偶患痰疾屏去湯藥飭巾待盡。臨歿起坐索紙書唐人詩一章應請者而瞑。自隆池公既工書其後。夢蔚公。王遮公。詒令公。皆善真草書脫棄凡近別具神解。翩翩乎與宋元之能者埒矣。而詒令公之從兄弟。曰毓真公。念冲。一曰興祖公。城皆善書工漢隸。四方之求書者多歸焉。一庵公。瓏字雲客。敬輿公。次子也。早歲補諸生爲文才過人。順治初與諸名

士爲社曰慎交會者爲宋旣庭右之疇三吳敬生尤展成汪
茗文與公凡七人已而遠近多歸焉公年近四十始貢入
國學司業曹先生本榮方以正學倡導六館見公喜曰此
載道器也

廷試授知縣不就順治十四年舉順天第二十六年成進士
康熙初就吏部選出知廣東長寧縣居山谷間僅五里前
假令暴而貪民苦甚公至縱解苛政與民休息書其柱曰
厥田下下唯願減賦輕徭汔五都之小息自我居居庶幾飲
冰茹檠偕百姓以長寧數月閒訟庭稀鞭朴聲鄰邑聞而頌
之以廉直不爲太守所容而前假令又與公有隙與太守

治謀誣

公遂罷官歸初惟公所舉交知縣者去後謗以文章

顯公年既壯自晦反本守約要于自得閒與宗門諸老宿
參究向上事頗復兼治道家言至年六十餘得梁谿高顯二
子書服之始一以主敬爲學署所居曰志矩齋進南昀公
而詔之曰吾始也泛濫涉獵好語渾同所謂騎牆耳寧有當
乎聖學至窮神達化而終歸于一矩故知居敬窮理之功不
可以須臾懈也尚何敢曠逸之耽馳騫之役乎于是悉屏平
生所玩物平旦盥洗謁影堂退端坐讀書陳四書五經及諸
先儒語錄尋繹點注夜以繼日自傳信好老人集諸生爲會
課其制義而引之于道從游者常三百許人或曰公老人
何自苦公曰吾不忍後生之無聞也湯文正故知公嘗
傳之

聖祖前文正卒。公哭之。歲時一至其祠。輒歎曰。吾不復見正人矣。卒年七十有七。門弟子私謚曰仁簡先生子。南昀。公定求。字勤止。康熙十二年舉于鄉。十五年會試及。

廷對皆第一。官修撰。公性修潔。恬于榮利。又耿直自遂。處公卿大夫間。弗善也。居三年。乞假歸。時一庵公方家居講學。公跪而請曰。兒願得閉門讀書如童子入塾時。庶幾少補。前過乎。于是齋居靜思。研極性命久之。遂慨然以道自任。既入京。補職。尋擢司業。設教條。釐文體。絕請託。諸堂肅然。以八旂子弟。卿大夫之材。所自出。宜豫教。乃集孝經古義。訓其旁。譯以國書。頒示官學。教習以訓于官學生。二十七年。擢侍講。復乞歸。未至家而一庵公卒。三十二年。復入京。補職。居

一年與同列不相中。復乞歸。遂不復出。公爲學。初好宋五子近思錄。已而徧讀先儒遺書。取其尤要者集之。名曰儒門法語。又以生平服教最切者。尤狂有明七子作高望吟七章。以見志。七子者。白沙陳子陽明王子東廓鄒子念庵羅子梁谿高子念臺劉子榕壇黃子也。其一章曰。我望陽春臺。江門成小築。鍵關二十年。活計些兒足。富貴等浮雲。宗傳契無欲。春風沂水間。千載歌聲續。長謝著述繇。紛紛眩心目。其二章曰。我望龍岡廬。鋤棘開荒岑。平生抗節義。浩氣何湮沈。明夷一以筮。廓落見天心。努力致良知。省克垂明箴。豈容放達者。岐路從橫侵。其三章曰。我望青原山。講壇從碩彥。證道自虔臺。行藏任舒卷。黽勉惜寸陰。師傳倍流衍。矢懷瑟僖詩。洪鑪

精百鍊純純內美完。習習和風扇。其四章曰。我望石蓮洞。穿雲一徑幽。豈真逃虛者。翛然物外游。瞑坐西巖下。風行水自流。欲根痛埽除。止止得真修。斯人不可作。俗學嗟沈浮。其五章曰。我望水居樓。漆湖臨若鏡。中有安節人。穆乎知定性。仔茲來復初。天機任游泳。萼香鳥語時。心境無動靜。終從汨羅去。盡道而正命。其六章曰。我望戴山陰。巍然古小學。防俗戒滔淫。束躬修禮樂。投閒長食貧。荷道真立卓。絕彼功利萌。訟過勤洗濯。凜凜歲寒松。孤心挽運剝。其七章曰。我望漳浦南。遙問榕壇業。技剔姚江真。刀鉞貫肘脅。三復洗心詩。明鏡猶在篋。羣書卓犖觀。沃根翦枝葉。英靈奎斗閒。五夜心神懾。時有作書極詆陽明者。公見而恫之。以爲陽明先生爲學本。

末樹猷反正之勤甚明白。今據胥小一時諄誕。蕪蔑實錄。立
浮議訕名賢是非之心。果安在邪。夫謂陽明倡爲良知之說。
病其爲禪。則良知兩言出于孟子。將并孟子病之乎。程子有
言。知者吾之所固有。然不致則不能得之。又言聞見之知非
德性之知。德性之知不假見聞。將并程子而病之乎。且其論
朱子之學。陋彌甚。以爲偏于窮理者。則瀉之以主敬。偏于主
敬者。則補之以窮理。吾不知其所居何敬。而所窮者何理也。
又謂明之亾。不亾于朋黨。不亾于寇盜。而亾于學術。意以此
歸獄陽明。嗟夫。誠使明季臣工。以致良知之說。互相警覺。互
相提撕。則必不敢招權納賄。則必不敢妨賢虐忠。則必不敢
縱盜戕民。識者方恨陽明之道不行。不圖誣之者。顛倒黑白。

遲戈矛。弄簣鼓。至于斯極也。著陽明釋毀錄。又以入德之方。莫先主靜。大本立而後達。道行濂谿之蘊。發于延平。默坐澹心。乃其要領。東林復七。其遺矩也。而昧者非之。杜方便之門。長汗漫之習。豈不謬哉。作密證錄。或有言主敬工夫。須變化者。公立論破之。其略曰。天下之變。至紛至。蹟唯攝以一敬。則渙者萃。剝者復。天理存。人欲絕矣。是主敬者。所以爲千變萬化之樞紐。而聖學于是歸根也。主敬矣。何變化之有焉。且主敬云者。非有所守也。無欲故靜。敬之謂矣。周之光風霽月。程之傷鸞隨柳。是物是志也。篤恭而天下平。亦在乎孰之而已矣。又以寡過之方。莫備于易。喜伊川易傳。兼采瞿唐來氏說。旁通諸家。纂周易集注。四十四年。

聖祖南巡以大吏傅 公學行首賜

御書命開局揚州與諸詞臣共校全唐詩其銷假者得按奉
遷除 公既受事不銷假事畢而還家居以禮自束嚴取舍
之界時閉關謝客獨宿詠真洞中雞鳴起焚香靜坐日出禮
先師及諸天像退謁家祠以爲常觀等對酒有得輒發之于
詩灑如也肫如也平生以獨善爲恥扶植善類獎厲名節不
遺幽隱修學宮復先賢祠宇張清恪巡撫江蘇爲總督噶禮
所誣卽訊揚州獄久不決代者至 公率諸搢紳及諸生數
百人具章白張公誣請以民情入告事雖不行于是天下知
有清議已而督伏臯張公再莅任 公絕口不復道前事也
五十七年自爲墓志其銘曰繫憑虛之藐躬乘一氣之鴻濛

知生。死。如。晝。夜。乃。原。始。以。反。終。唯。循。理。而。順。命。坦。逍。遙。兮。大。
同。庶。朝。聞。兮。夕。可。亦。不。滯。乎。苦。空。乘。白。雲。兮。悵。望。念。來。者。兮。
忡。忡。明。年。四。月。偶。患。腹。疾。翼。日。焚。香。啜。茗。而。逝。年。七。十。有。五。
瞻。庭。公。寧。求。字。文。治。詒。令。公。之。孤。孫。也。爲。諸。生。從。一。庵。公。
講。學。里。中。康。熙。二。十。一。年。進。士。及。弟。弟。三。由。編。修。歷。侍。講。爲。
人。溫。慎。纘。密。勤。于。其。職。閒。語。其。友。王。醇。叔。言。吾。儕。職。所。當。盡。
雖。灑。掃。負。戴。亦。宜。爲。之。況。乃。文。章。之。事。唯。有。俯。首。盡。力。循。序。
致。精。而。已。醇。叔。然。之。奔。母。喪。歸。服。除。不。起。三。十。八。年。以。尚。書。
張。公。英。侍。郎。韓。公。棻。薦。

詔。趣。入。都。補。侍。讀。直。暢。春。苑。逾。年。以。勞。卒。年。五。十。有。二。家。無。
遺。財。至。鬻。居。焉。後。

皇太子扈從

南幸卹其家。賜以題曰念舊勤。惕齋公正乾字存誠。南

昀公次子也。幼醇謹。勤于學。南昀公卒。旣免喪。諸叔季或

時置酒。吹笙擊鼓度曲。賓客滿坐。談諧竟日。夕以爲樂。公

局處一室。默然若弗聞也。校南昀公遺書刻行之。每書古

人格言。以自覈。尤好王少湖先生俟後編。服之終身。平居無

惰容。無疾言。與人言。必依于孝弟。雖微者。遇之必莊。故吾鄉

上自縉紳。下至輿阜之屬。莫不偁公厚德焉。處己甚約。食不

重味。旁無媵侍。一袴四十年矣。常著之晚年。得目疾。喜聽諸

孫讀書。輒手摩其頂。卒年六十七。彭氏在。有明時舉甲乙科

者。才兩三人。仕不過七品。一庵公以子貴。始封儒林郎。翰

林院修撰晉封承德郎國子監司業至乾隆十六年我尚書公方督學浙江會遇

覃恩追榮三世自一庵公至惕齋公皆贈光祿大夫吏部右侍郎加一級而惕齋公在時已先封承德郎左春坊左中允矣

國恩稠疊于斯爲盛裔極而亨固其宜也當惕齋公在時與族兄弟志行相得者三人焉曰悟庵公拙存公拙圃公皆詒令公會孫也悟庵公承憲字方尹爲瞻庭公長子早歲補諸生益自奮于學簡交游慎取與與弟拙存公竝厲介節居常論孔門竝推狂獯狂士志趣爲最高然自莊周放言自恣晉世劉伶阮籍之徒益任達不事事侮聖言悖名教莫不由

之。猥。者。介。然。自。守。好。名。之。士。不。能。竊。其。似。三。代。以。後。入。聖。之。資。以。猥。者。爲。近。其。自。命。如。此。卒。年。五。十。有。六。拙。存。公。載。舒。字。亦。醇。篤。于。孝。弟。撫。其。從。子。男。女。之。孤。者。資。其。昏。嫁。晚。歲。家。益。裕。餘。田。不。過。十。畝。一。日。其。妻。弟。陸。生。持。金。五。百。來。視。之。曰。是。也。吾。醵。諸。戚。友。以。助。子。然。知。子。之。不。徒。取。也。子。持。以。貸。人。得。息。什。一。償。諸。戚。友。數。年。後。是。金。屬。子。矣。公。默。然。良。久。曰。予。平。生。不。受。人。恩。是。金。何。爲。者。哉。陸。生。慍。色。去。明。日。立。詣。陸。生。還。其。金。卒。年。八。十。有。七。拙。圃。公。景。驥。字。騰。遠。家。貧。未。弱。冠。卽。授。徒。于。家。得。束。脩。以。供。父。母。父。母。有。疾。哭。禱。城。隍。神。廟。中。願。以。身。代。病。尋。愈。性。廉。潔。未。嘗。干。人。衣。食。才。足。輒。自。喜。居。屋。數。閒。破。琴。古。書。怡。然。自。得。然。樂。周。人。之。急。姊。夫。查。翁。貧。老。日。

給升米寒則解衣衣之及卒脫袒服爲之襚姊前从未葬爲
合葬焉所居巷中穉子或相羣聚爲戲公從外歸穉子遙見
謔曰彭家翁至矣率輶走年七十卒有鄰人入室哭曰吾幼
見夫人出入里中憚其嚴不敢自放逸今且老獲免于世夫
人之賜也將葬又來哭如初南窗公之裔今在者百有餘
人或居盤門或居葑門或居城中艸橋張巷浴倉巷或居葑
門外郭巷或居車坊爲醫遠者在尹山爲農其在蕭巷者爲
東樓公後唯獨隆池公無後而玉遮公以下族頗眾皆倚
南園居瞻庭公後十餘人居閶門馬大錄巷頗自好或讀書
爲諸生然益苦貧稍稍離析矣

徐孝子傳

徐孝子炯字漢光。元和人。居郭外之陳湖東。炯行事不出家。庭未嘗赫然有驚人之行。然鄉里閒莫不以孝子稱之。炯年十三。侍父疾。疾甚。日仰天祝禱。泣涕不欲生。及父歿。欲歿者數矣。母已前歿。事繼母色愉愉。若孺子。繼母常語人曰。有子若此。孰謂不我出邪。兄弟三人。炯其季也。父在日。三分其產。及炯長大。曰。區區者析而三。愈不足。兩分之。其可盡。以讓兄而已。脫身爲賈。兩兄有絀乏。復分己私財與之。其妻時時脫簪珥爲助。及炯疾將終。屬其子曰。善事伯父。通有無。無忘吾志。炯行事類如此。同縣人彭紹升聞而善之。曰。烏呼。古之人功名蓋一世。而至近之地不自克。以有慚德者。往往然也。炯其賢乎哉。炯其賢乎哉。

。張翁傳

張翁子焯字潛文。崑山陳墓人也。早歲有至行。父疾。剗臂肉和藥以進。父歿。翁終身孺子慕。祭祀必涕泣。及病垂絕。喃喃呼父不置也。篤于三族。患難共之。出私財葬族人棺。凡六七漆工。祁天章者。年四十不娶。翁與之金。勸之娶。祁諾受金而去。明日過祁。察其容甚戚。詰之。不肯告。詢其鄰。曰。噫。是以金歸。而道遺翁反具金如前往。語之曰。邇有遺乎。曰。否。如是者三。翁笑曰。汝欺我邪。出金袖中。曰。此非汝遺何。祁大喜。以爲誠。然道見賣菜傭。失百錢。忿欲求。翁呼傭至家。令家人平菜。而陰置百錢菜甲中。錢墮地。翁佯驚曰。爾錢乃在。用是家中落。而施不衰。一夕歲除。慨然語其妻曰。吾往歲除夕。每懷金。

二十兩饋貧交未嘗有餘今饋損于前而金不盡言未既有相訪者出餘金子之年饑平價糶于其鄰不計直也陳墓人至今思之而翁歿蓋四十餘年矣其曾孫觀瀾從子學能慕翁之行徵子文子爲之傳

陳和叔傳

陳和叔名黃中吳縣諸生也父少章名景雲博聞彊識好著書以諸生老和叔自少通敏爲學長于史漢究前代治亂往復所由以達于當世之務發爲文磊落自恣不可控制乾隆初應博學鴻詞科

廷試被黜乃客游南臨洞庭登衡山東浮錢唐入閩北馳驅燕齊河岱閒當是時

上卽位數年銳意廣續

列聖治績紹往古絕業中外大臣承德爭延致天下豪俊

虛己訪時政闕失而和叔爲大學士海寧陳公所知其在京

師陳公以禮先之和叔乃上書陳公論用人理財治兵三大

事其條用人之目有十曰分科取人曰慎擇舉主曰重名節

曰辨邪正曰加奉曰汰冗員曰寬法網曰覈名實曰懲貪曰

酌道里以銓選條理財之目有六曰定旂制曰權錢幣曰興

西北之水利曰輕征權曰減漕粟曰定鹽政條治兵之目有

六曰謹邊防曰嚴海禁曰鍊土兵曰修軍器曰簡帥臣曰加

月餉陳公得書韙其言頃之

詔求骨鯁質朴之士如古馬周陽城者陳公欲舉和叔應

詔旨時和叔已去京師屬其友沈椒園招以書和叔辭焉先是湖南巡撫馮公聞和叔名辟置于府土苗有小警欲興師勦之屬和叔奏草和叔曰此召亂也撫而輯之其可弗聽和叔遂行。何苗叛用兵期年乃靖已而漕督顧公湖督孫公閩撫王公先後聘和叔主章奏和叔所草奏援古證今剴切詳盡所奏或中格每執奏至再三得請乃已期于尊主庇民不肖趨避形勢揣摩風氣爲巧言而諸公亦委心任用不疑沮也。自諸公先後謝事和叔落落無所合遂杜門不出。初至京師時善山陰貢士胡天游天游故奇士負才氣慕陳同甫之爲人傲睨當世士鮮當意者及見和叔服其才傾心相引重天游豪蕩自喜不肖循尺度爲勢要所排席竟窮

歿和叔介然有節槩審去就嚴取舍之辨而其窮與天游等
下惟著書無儋石之儲泊如也年五十九卒居常恨宋史蕪
雜是非混失平則發奮刪其繇累按討先正舊聞折其中成
宋史稟一百七十卷又著新唐書刊誤

國朝謚法考殿閣部院年表督撫年表十餘卷詩文集四卷
其卒也貧甚不能治喪具姻黨或以金賻者妻張氏固卻之
曰奈何以貧故傷夫子義儻居以葬

曹孝子傳

曹孝子名起鳳字士元先世徽州人父子文遷崑山賈于蜀
歲寄金錢歸俄而耗絕孝子年十六矣有蜀客來問之曰噫
歿矣問歿何地弗知也孝子大慟絕而蘇將往求其骨貧不

能行長洲潘君爲繙者好義士也贈孝子百金將行其叔父
尼之願自往挈金去久之無所獲而歸孝子旣壯每念父輒
憤痛欲絕潘君復贈之金四十兩遂就道陸行道河南歷陝
西走成都南抵滇界西達金川書牒于背逢人輒哭謫所由
無知者逾年金盡反成都乞于徽蘇人之爲客者合助之得
二十金禱于諸葛武侯神示所向遂東行道險踵血流匍伏
失道七日無人蹤及酉陽積雪盈尺不能前踏土穴中兩日
有土人項生許生過之聽羣鴉繞穴而鳴卽之見僵尸焉而
氣微屬視背牒咤曰孝子孝子掖之歸飲以湯問故止孝子
宿進酒肉弗食曰誓不見父棺不食此矣其夕夢經荒原一
老父與數人坐林中見孝子至拍手大笑語曰月邊古蕉中

鹿兩壬申可食肉覺而識之遂辭去兩人止之曰此處逼苗疆天寒地凍前行且餒死益度歲乃行不得已從之一日隨兩人出行過荒原如夢所見白楊下有棺纍纍然孝子心動淚下不止兩人問故語之夢兩人曰有徽人胡生者居此日久益往問之從之胡生良久曰噫信頗記十年前鄉人曹氏客死殯于是以所遺牙牌納棺中其殆是乎然非白之官莫驗也遂引諦之酉陽巡檢巡檢告知州白君飭里長察諸棺多有主名而一棺獨無啟棺見骨孝子漬血驗之沒骨棺有牙牌文曰蕉鹿孝子曰是矣月邊古胡也蕉中鹿牌也何疑乎遂拊棺大哭收骨行項生許生爲設祭祭畢以餒肉食孝子曰向子之不食肉者未見父棺也今則既見矣憶與子遇

二木人集 卷二十一
穴中。日在壬申。今六十有一日。而又值壬申。夢盡驗矣。豈非
天哉。孝子起。再拜謝。兩人交餽之。膳。孝子遂負骨行道湖南。
過洞庭。風作。兩日不得度。同舟者疑之。且大索。孝子恐禱于
洞庭君。明日風止。遂度。既歸。其後母見牙牌而哭曰。嗟夫。此
我鎖匙牌也。爾父出門時。取鎖及牌去。不見是者二十餘年
矣。復取棺以斂。而納牙牌焉。葬崑山之郊。曰朱提邨。于是蜀
人藉藉傳。曹孝子事長洲莊君學。和官雅州知府。書所聞作
曹孝子尋父骨紀略。孝子收骨時。在乾隆十四年。爲人鰥。直
謹取與治家有法度。既老。尚健飯。月必再三詣冢上。灌所植
樹。刈藤葛。裴裒久之。然後去。四十九年十二月卒于家。年七
十二。子五人。

彭紹升曰潘君之孫承松與曹孝子習數爲予言曹孝子且云莊君所撰紀略詳矣亦多有闕訛屬予綜其顛末爲之傳如此

予初稟敘曹孝子入蜀路一本雅州紀略水行至辰州復道河南歷陝西至成都其後復自成都出陳倉道達酉陽錢少詹曉徵見之謂旣抵辰州不須復道河南自成都達酉陽亦不須更出陳倉予乃瞿然悟紀略之失蓋辰州在湖南西界已與蜀近而酉陽在成都之東更無北出陳倉之理是出陳倉者乃前由陝入蜀之程旣至酉陽便從湖南渡洞庭而歸辰州則歸時所歷也前後互易遂成訛謬因削而正之毋使後人滋惑焉

自記

黃氏家傳

黃孝子名農字古處世居長洲縣今分隸元和明洪武中始祖斌以武功世襲蘇州衛千戶家焉曾孫暉官刑部郎中有直節祀于鄉暉孫省曾舉萬歷中鄉試以文章名已而從王文成公學世所傳五岳山人者也五傳至衮縣學生有孝行生二子長庭次孝子孝子年十餘母吳氏有疾臥牀三年孝子奉湯藥唯謹已而復病利方大暑扶掖轉側手除蕨溺閱數十晝夜不懈疾亟孝子當食輒廢箸母卒號慟絕而復蘇旣斂坐臥不離柩側獨居時輒喃喃共母語夢中時作歡笑聲旣覺則大哭如是者逾年葬而歸伏地哭不能起父方教授于外遂攜之館中久之啟其枕漬淚若膏貌瞿然視初喪

不異也已。而父遷館距家數里。孝子念父。五日一往省。父止之。乃私伺門外。遇館童出。問安否。曰安。則欣然去。或曰否。卽趨而進。問所苦。褰裒不忍。出衣服器用。時其寒暑。輒具以往。父歸。左右侍。未嘗頃刻離。旣成昏。依依若孺子。一夕鼓三下。忽心悸。蹶起。謂妻曰。吾父其有恙乎。方嚴冬。不及旦。疾馳至館。而父果得暴疾。昇以歸。疾甚。時父年五十一。星家言明年數當盡。會除夕。孝子書黃紙十餘。願減已齡二十以益父。元旦徧詣諸天神祠焚之。其夕寐覺。喜曰。神許我矣。已而父果以七十二歲終。而孝子以三十二歿矣。孝子與其兄友。雙篤。兄舉鄉試。入京。畱滯門內。凌雜。孝子悉自任。兩人同歲舉子。嫂病乏乳。命妻兼乳兩兒。兒亦不辨其誰母也。平生與人恭。

謹犯者弗校有告急者時罄所有周之歲饑減食食里中餓人值母忌日必省墓涕泣遇時物雖微必薦疾篤與父訣哽咽以歿先時枕邊置銀一裹及是啟視遂以斂蓋不欲爲父累也後數年父患心痛呼號罔措一夕恍惚見孝子問何以來曰來侍疾耳手摩父胷久之病良已孝子卒之年爲康熙二十一年至乾隆五年巡撫徐公士林采訪事實聞于朝以孝子旌入忠孝祠

黃節婦金氏孝子農之妻也父士璜故士族節婦年十七歸于黃居數年孝子將終謂節婦曰吾去侍吾母矣汝善相吾兄嫂事吾父待孤之有立也勉之時孤方四歲遺腹女甫七月節婦痛夫歿孝欲以身殉者數矣終憶夫言而止旣斂翁

自外歸見柩輒哭節婦慮傷翁竭所藏葬夫于姑家側有田數十畝不足用以女紅自給事翁謹洗滌縫綴胥自任不以委冢婦一夕所居寢聲震屋梁急挈兒女出而屋毀或勸入娼室曰伯狂不可披瓦礫坐達旦翼日召匠新之不慎一夕風雨方寐若或促之起立披衣抱兒女走而牆忽崩牀几盡敗裂趨竈閒以免終不入娼室也課兒讀往往篝燈至雞鳴或時流涕道先人志行助之家益貧或勸兒徒業節婦不可曰命常貧徒業能免乎墮先人之志吾不忍也翁既終兒女昏嫁畢節婦以夫亾日設祭拜且哭曰吾二十餘年耐勞苦竭思慮常自戰栗恐負夫付託之重今日幸畢吾事遂持齋修西方之教終其身卒于雍正二年年六十七其年巡撫何

公天培具其事以

聞得

旌如制

黃處士師憲字景淑後改名商衡卽孝子所遺四歲孤也少奉母教課讀甚嚴稍長益自奮縣文昌像于壁夜分少倦肅衣冠拜拜已復讀寢則刻香繫鐵錘下承銅盆香盡而錘墮擊盆聲鏗然輒驚覺遂起坐達旦沈思理奧爲文日深造然久困童子試長沙陳恪勤公知蘇州試第一院試輒落年四十餘始補諸生不復有進取意唯日陳先儒語錄揆討服行尤好戴山劉子人極圖說推行其義貫以論語大學中庸下及橫渠考亭緒言合爲一書題曰困學錄自命又次學人益

其志也。居常念先世潛德弗耀。每自刻責。母年五十餘。應旌典。而官司文牒往復。費不貲。處士竭所儲以應。垂成輒中格。雍正元年有。

詔徧訪窮簷苦節。處士喜曰。時不可失也。時沈公德潛爲諸生。倡其友數人。請于大吏。具以

聞得。

旌典。至乾隆六年。其父復以孝子

旌。謀合建孝節坊。擇日將奉主入忠孝祠。遽得疾。彊起詣主前拜送。爲坊制以授諸子。尋卒。年六十五。處士爲人有介節。其徒宋敷知剡谿。延之教子。因竝挈子庸以往。值科試。篝鐙閱卷。庸忽見一人排闥入。附耳語。處士搖首拒之。其人色沮。

去處士既歿久之其子庸始克建孝節坊卽其地爲祠堂如處士所誠云。

周氏處士妻也。父于菴饒于財。贅處士于家。處士自念少孤。母家居食苦。時鬱然不樂。已而挈婦以歸。周氏修婦道日謹。故能飲酒。見姑不飲。遂輟杯勺。姑冬曳葛裙。周氏出笥中裙。請易之。姑愀然曰。新婦誠好意。而亦知吾二十年忍飢撫孤。以有今日也。誠甘之矣。又安用此爲。周氏瞿然自失。遂屏紈綺親操作。如貧家女。終姑世不私一錢。不私御食飲。事必請而後行。處士以求旌母家耗矣。周氏出簪珥衣服助之。姑歿哀毀甚至。祭必誠。手滌器皿。至老不衰。曰。吾不獲更見舅姑。此以盡吾心也。見遺棄字紙。必手自檢貯。粒米亦然。卒之年。

七十

論曰予與黃氏故有通家戚好聞其先世多長者內行修顧未能詳也吳丈贊皇與黃丈璇辰善黃丈手具兩世先人事蹟屬爲之傳吳丈諾之而未暇爲也轉以屬予予故樂道人忠孝貞節事況如黃氏者尤予所心識者哉遂不辭而爲之傳黃丈卽處士子名庸者亦端士晚舉鄉試老于家

五月二日讀止非

二林居集卷二十三終

二林居集卷五十四

長洲彭紹升允初著

傳

彭紹升曰。予年既冠。治古文。思得當世奇節偉異之行。紀其
本末。成一家言。久之不可得。乃獨于吾鄉里閒得四人焉。女
子也。烏呼。豈不難哉。宋貞女景衛。長洲人。高祖學朱。明崇禎
中。以御史巡按山東。我兵攻濟南。守城歿。景衛年十二。字邑
人。程樹樹少慧。能讀九經。通周易大義。年十三。補諸生。未昏。
以哭大父殤。景衛亟請于父及樹之未葬也。歸于程。是時姑
已歿。服素服。拜其舅于庭。入家廟。行廟見禮。舅之父方在殯。

成功服于柩前。易齊衰于姑之前。然後哭拜其夫之柩。成禮于殯所。稅服三年。先是同縣有陳媛者。名淑。字于林。未及行而壻殤。居頃之。有請昏者。遂自經。歿。景衛高其義。又聞其爲明檢討五經先生繼之裔。以媛爲能不墜其家學。作詩美之。條貫經義。穿穴先儒論說。破鄙生小言。欲以正俗。白己志。其辭曰。禮義廉恥。四維立綱。常名教萬古植。無愧于口。無愧身。無愧于身。尤汲汲。婦人再醮。知身汙。若乃未昏。心每惑。一身那可容。二心心失。誰云身不失。卓哉陳媛。毓名閨。五經先生蘭芽苗。習禮明詩幼字林。桃夭未賦。所天卒。烈女不肖。更二夫。相從地下尋靈匹。見者哀號。聞者悲。大吏上言。采訪實旌門。襄墓竹。恩榮。文人詩歌盛。緇帙嗟予抱璞。稱未亾。傳聞

益覺心悽惻。閒嘗讀書考五經。管窺易象參彖翼。男女睽而
其志通。已字未娶可推測。坤道含章利永貞。從一而終恆其
德。苦節悔亡不節嗟。安節之亨甘節吉。人心道心辨尚書精。
一微危中允執。動固不凶德二三終始。唯一臻厥極。忠貞世
篤。緬家聲。無忝爾祖。躬自飭。詩經三復柏舟篇。髣髴彼兩髦。我
儀特。斯人去也。矢靡它。勿匿初心。矢靡慝。在室自誓。首其姜
聖人取爲後世則。郝鄒諸儒闡說殷。原注郝仲輿鄒肇
輔俱云其姜未嫁歿同
穴而穀異室。柏舟齊女中壘編。乍至城門衛。赴急保母請還。
置罔聞。竟入持喪。衰衛國凡未適人許嫁矣。春秋經傳標特
筆。僖公九年書伯姬何休公羊洞經術字而笄之待成人繫
屬于人養貞一。明與未字之女殊。原貞援引曝書集。朱竹垞
爲高蔣

氏作原貞引以爲論

女而不婦貞爲行旨左穀梁弗沿襲其姬比例聖

所褒堯峯南昀說堪憶

家既庭先生女字千計未昏殉節汪堯峯作志以共媿比例彭南昀爲予

從伯母吳孝貞志銘卽踵之

許嫁纓爲禮記文名以行媒遂相識兩家齋

戒告鬼神壹與終身不改革娶有吉日未成昏夫歿亦如壻

弔泣女服斬衰往夫門未嫁服同已娶式婦人不二斬謂何

天不二耳儀禮悉可服可往明可從變人以德休姑息舉世

昧經謂過中此旨不明道幾熄人求盡倫安能過五倫祇恐

常不及由來夫婦比君臣策名亦有未受職清風孤竹師夷

齊商朝未祿周恥食推觀子弟事父兄豈必一一親顏色父

子繼絕或背生兄弟前後或南北追思孝友自性成非緣見

面乃盡力朋從尚友及神交寧須把臂投膠漆揆此可知婦

與夫性真相感當循率殷勤何必同衾幃問名已定羞羞忒
當知勉義非溺情身潔心安理亦得幼從父母最初言初命
是遵戒私暱不悖于理曰無違許嫁之語由親出弗虧其體
弗辱親立志不渝貴在必奪則隨亡不奪存志不可奪命則
畢愧存不若無愧亡幾希人禽謹出入守貞殉烈易地同一
心不二絕矯飾卓哉陳媛大節章浩然正氣兩閒悲傷悲自
署望門寡門在望矣未許卽旣云寡矣難再雙茲言至正非
偏刻鵠甘獨宿歌三年鳩告雙飛媒一逼遂將性命付輕綃
僅畱心事傳遺墨視死如歸豈博名舍生取義寧圖逸唯媛
家學五經明察于倫理昭作述天經地義古今垂永永幽光
爭皎日景備旣歸程益泊經好讀先儒論學書娣姪環侍輒

鹽鹽爲講說其于天人情性之故倫物之大原敬怠義欲出入之幾反己自得沛然而不疑居常病女教不明二南之風浸熄女子知書者往往務藻繪夸飾爲才不知本而列女傳諸書泛雜失統不足該徧道理乃會通古訓括先聖賢修身盡倫之要作詩令諸娣姪歌習之其辭曰立天之道陰與陽立地之道柔與剛立人之道仁與義人參天地維綱常曰人自是兼男女女豈非人甘自阻寧唯男子希聖賢賢媛聖女有徒侶五官同具官則思五常同秉常獨知三從應亦惇三物四德由來張四維從父從夫及從子謂從大道莫背此從茲不辱理無違步趨德行藝而已功在宜家德潤身言關名教謹笑顰容貌端莊非豔麗禮義廉恥當遵循正用其情是

率性善養其氣是立命惡欲更有甚於生偷彊祇因殊肆敬
人心道心辨危微克念罔念分是非精思弗奪立其大良知
用致審其幾守身慎獨唯求是彼君子女釐女士無愧于影
無愧衾庶免小人同受訾太上立德次言功不朽當共男子
同莫云女子無所事德功言在人倫中夫主如君原不異男
忠女節曷有二繫纓結帨心齊堅處變安常身等致愛媳愛
女等愛兒義方尤賴母兼師前遺劬出并抱嗣一視同仁方
盡慈母邪父邪孝姑舅嫂婦諸姑信朋友同堂娣姒女弟兄
妾婢視臣如足手爲女爲媳爲母妻平生閱歷涂毋迷自欺
自畫皆暴棄徽音在昔宜思齊竊通壽夭任彼遇特立毋隨
流俗誤內則中饋事女紅不願乎外行我素雖然苦樂由它

人樂可自尋。苦勿瞋。天爵良貴何曾賤。日新富有何憂貧。人生百年那能久。外物奉身竟何有。自來列女至今存。德立名垂真不朽。具備功言洵美才。才藝根本德生來。有節無才便是德。有才無節誠堪哀。德爲主也才爲輔。允矣能文亦能武。貌非所重隨賦形。崇德踐形須法古。以書相證克儉勤。何妨識字能詩文。國風半屬婦人作。傳經續史章。令聞詩文闡理鄙。雕琢作字甚敬。卽是學德發爲才。著德容超出庸凡。迴卓聲世羨女佛。與女僊。姑尼孰箇知真詮。空障淨塵唯遏欲。入道豈必談元禪。聖人不過人倫至。察于人倫大賢示。五官盡職備五常。三才參贊體易始。巽爲風兮長女乎。兌爲澤兮少女呼。離明中女乾坤照。女亦宜爲君子儒。是人豈肯居人後。

出見紛孽遂爾謬奉盈一覆水難收尚其無愧于屋漏無形
之刑每枉懷斯人斯可謂之佳善信充實乃爲美西方美人
庶得儕儻終保始起迄止制外養中裒符裏防微處處銘盤
盂避嫌刻刻嚴瓜李嗟予未嫁倂未亾靡它靡慝師其姜節
大餓小伊川訓廣平鐵石爲心腸若夫所處無不幸端宐中
正而主靜蒙以養之自幼嬰少成習慣時加省女子須教本
考亭明白論語及孝經推之女戒并家範定性好學先人型
夜氣凜凜旦晝梏幾希人禽恆勉勸諸艱歷試久練金纖塵
難染無瑕玉貞以得一清寧倂閑邪敬直女德修仁可成而
義可守天合剛而地合柔主一無適聖賢志天地之道物不
貳日月有光崇效天山川有恆卑法地方景衛之未歸也聞

其姑病刺指血書疏籲天。所以身代。及歸服。夫服畢。復爲姑稅服三年。逮事舅十餘年。董家事。大小有法度。及夫兄再有子。曰光欽。請于宗黨。告廟立爲後。乾隆三十一年。景衛歸程。三十三年矣。年五十有三大吏。

聞于

朝得

旌如制。初舅姑之喪。其夫兄貧。不克葬。景衛尺寸累積。逾三十年。始反葬舅姑于休寧之祖墓。別葬夫于吳門。光欽夭。以其弟嗣。曰光鑑。景衛有婢子二。曰衛喜。字于張。已而張歿。不再。字曰陳壽。嫁朱氏。年二十餘而寡。無子。皆依景衛以老。云同時有姜貞女。桂者。字張氏。子年十九。將行。而張氏子夭。舅

姑先後相繼歿。無所歸。遂老于室。有母孳矣。扶攜左右。不忍頃刻離工。詩善繪事。憐景衛之志。爲作柏舟圖。賦詩以贈之。年四十而終。桂之先山東萊陽人也。曾祖行人。該與兄給事。埰竝以國亡流寓蘇州。後遂爲蘇州著姓。隸元和王貞女者。吳縣舉人王岱東女也。年十六。字錢氏。子十九而壻歿。女聞僵臥絕粒。其祖父母彊起之。居三年。有請昏者。大慟曰。兒歿晚矣。復絕粒數日而歿。家人環之泣。移時復甦。其母撫女曰。兒何自苦。女曰。天不早歿。兒先年兒私吞金環不歿。食銀硃又不歿。頃復取金環吞之。命當畢是矣。兒有言。願聽兒俾我合葬。錢氏之墓者。歿不恨矣。女旣歿。壻之兄弟不肯迎其喪。恐其置後。且析產也。今二十年矣。尚不克葬。施貞女者。吳縣

人年十餘喪父依母兄以居好清淨不樂有家木瀆有王氏者兄弟三人俱好道事純陽真人謹嘗構乙雲山房習長生術其少者志曾既長亦不願娶其兄彊爲擇婦得貞女焉居二年志曾歿時貞女年二十未嫁也赴聞遂毀容變服長齋奉佛習女紅自活居六年聞其姑卒遂肩輿入王家哭拜成服頃之復還兄居又八年始辭兄詣王家關老屋三間自爨爲食日常扃戶家中人時聞經聲歲餘有疾其兄省之貞女謂曰兄少住吾將行矣已而疾少閒家人爲好語慰之貞女曰吾不復過今日矣遂逝年三十七事在乾隆四十一年

汪太孺人傳

汪太孺人者元和程正信女也年二十二歸縣人汪元儔又

七年而寡舅姑老矣太孺人上堂問安否爲好語勸慰退則屏人哭失聲旣免喪春秋家祭未嘗不涕泣沾襟也姑晚而多病太孺人視湯藥甚謹姑將歿曰俾佳婦不置生男子子三女子子一乾隆二十二年太孺人年五十餘長子縉具狀求旌于有司得旌如

制縉之述太孺人也曰縉嘗聞太孺人之訓女弟矣其訓以事舅姑也曰善事舅姑者必先和妯娌吾見人家妯娌凡事欲爭勝名欲博舅姑歡顧其志獨知有已而已謂舅姑何謂妯娌何如得妯娌如一體合而爲舅姑左右手孝孰大于是其訓以相夫子也曰輯和兄弟爲先矣兄弟和家道興淺識婦人僅知私其室而不顧一家殊不曉爲家如治第宅合數

室而後成家。合數椽而後成宅。未有它椽壞而一椽能獨存者也。它室壞而一室能獨完者也。即使一椽能獨存亦不成宅。一室能獨完亦不成家。吾子能識此意。則汝家有賴矣。縉之所述如此。太孺人平居好佛氏教。晨興盥沐畢。卽合掌唱佛名。至午始罷。以爲常年六十四。殯于次子大鑿縣昌官署。將殯時。有白氣從鼻端冉冉而上。氣盡乃絕。大鑿以州吏目權荻港巡檢。少子縉。先歿。縉吳縣學生。與子善。

彭紹升曰。自太孺人在時。予每過縉。坐少頃。卽出酒肴甚盛。下至從者。莫不饜飫去。去未嘗不偈道。太孺人家僅中人產耳。然子獨不能忘太孺人之訓其子也。推太孺人之教子家者。可以通乎天下。秦誓曰。若有一介臣。斷斷兮無它

技其心休休焉。其如有容焉。非太孺人所以事舅姑者乎。易之同人曰。同人于野。亨利。涉大川。利君子貞。非太孺人所以和兄弟者乎。烏呼難矣哉。

嚴朱二節婦傳

嚴節婦者。常孰嚴文靖公七世女孫也。幼事父母。以孝稱。歸浙之桐鄉。貢生金檀爲繼室。生子宏默。甫四歲而檀病急。執其子之手。屬婦曰。是兒頗慧。當教之讀書。節婦曰。諾。檀家故饒于財。檀歿後。毀于火。復繼之以訟。財益匱。及宏默稍長。節婦曰。嘻。是安可不讀書。乃督令就傅。晝夜操作。刺繡文。易錢以供脩脯。至兩手蹉曲。貌日瘠。垂二十年。而宏默始以文章知名于時。補長洲縣學生。蓋檀自桐鄉遷于蘇。故宏默爲蘇。

人也。初檀在時，好施與其族人，自遠來者多相載去。及檀歿，有以困告者，節婦必少濟之，曰：「無以貧故而傷夫子之義。」節婦父母死，貧甚，節婦爲治喪甚具。及旣葬，歲時必令宏默上冢祭焉。

朱節婦者，長洲陸炳妻也。生子圻，未彌月，炳與弟偕游廣東，不逾時，兩人相繼歿。時炳父宸，楓老矣，節婦侍養盡孝。及宸楓旣歿，圻年稍長，令從學于角直蕭先生。蕭先生名張翀，篤于躬行，其教以敦孝弟爲先。以故圻早歲有賢聲。未幾，圻亦歿。于是陸氏三世之喪皆未葬。節婦悉舉而葬之。初圻聘同縣人褚永思之女爲婦，未成昏，圻歿，赴至女家，女號哭欲死。或曰：「姑在，汝卽死，是重傷姑心也，而可乎？」女曰：「欲無死，必歸。」

吾陸氏乃歸諸陸氏女既歸事姑孝謹鄉黨稱之其後節婦立族子堅爲夫嗣堅生子濠爲圻嗣陸氏之宗于是不絕

3 曾孝女傳

曾孝女衍綸宗聖曾子裔也世爲山東長清人父尚增以庶吉士出爲知縣累遷知郴州衍綸年十一從父于官母病瘼不能起衍綸侍湯藥躬盥饋之事凡四載母病劇衍綸亦憊甚晝夜侍牀前不去母顧憐之曰兒病矣盍少休命老嫗侍我衍綸重違母意則應曰唯卽帷外坐而假寐老嫗坐帷中就牀前然火薰衣寐老嫗遽驚起衣焚及帷老嫗突火出呼救而尚增亦在牀臥衍綸突火入趣其父出抱母號救者入挾衍綸出衍綸嚙其手及骨挾者釋手衍綸復突火入哭且

呼曰速救夫人。夫人出我乃出。而火冪牀。救者不得入。尚增厲聲呼衍。綸出不應。火益熾矣。時乾隆二十三年冬十二月乙亥也。既滅火。衍綸身覆母兩體。攣結不可解。黝黑若炭。巡撫具其事聞于

朝得

旌如制。邨人爲立祠祀焉。

彭紹升曰。世傳孝女事多異。予在京師。秀水鄭先生虎文爲予道之。如是。初孝女歿未幾。而鄭督學政湖南。曾之僕有給事于鄭者。能具言孝女事。僕卽往時。挾孝女出火中者。其手間嚙痕。故在也。鄭先生之言審矣。予後又得海寧沈維基所作傳。其略具如所聞于鄭先生者。顧獨不載嚙手事。予乃核

其事蹟著于篇。

汪氏二節婦傳

汪氏二節婦者其一王氏蕭山汪楷之繼室。其一徐氏先王氏歸楷爲妾。生一子曰輝祖。楷官河南淇縣典史。引疾歸。客歿廣東。有母沈氏年七十。輝祖年十一。喪遠歸。索責者踵于門。王氏徐氏遂席賣其田。及其嫁時衣裝。以償責。楷弟模好博。窘輒索錢。王氏徐氏不足。則挾諸博。徒持挺入。破壞門壁。竄輝祖以去。得錢而後舍之。或勸王氏它徙避模。徐氏曰。不可。有先人祠墓在。寧以此矣。已而模挈孥以行。母沈氏欲與俱。王氏徐氏涕泣請留。乃止。沈氏多疾。凡需藥物。無貴賤。王氏必力致之。徐氏左右扶侍。起行則承以肘。夜伺牀側。聞

呻吟輒前爲按摩方輝祖從師受學也王氏送之塾徐氏從稽顙塾門外涕泣言曰先夫子賴有此子此子賢無辱先人唯先生之賜不賢米亾人何以謝夫子言已復稽顙泣而去及輝祖自塾入王氏必攷所習業或不中程徐氏奉箠王氏跪輝祖撻之撻未下王氏淚泫泫交于頤棄箠而罷亾何貧益甚王氏徐氏互傳疾減食以食輝祖蓋屢矣輝祖旣冠補諸生佐州縣治刑名王氏戒之曰汝父爲吏典縣獄嘗言生人慘苦無過囹圄中偶朴一人輒曰不怡曰彼得無自恚戕其生乎汝佐人其無忘此意輝祖自外歸必問不入人死臯否不破蕩人家產否對曰無則歡然終日或言法不免王氏與徐氏相視泣然曰吾聞刑名家多獲陰譴兒能無懼乎

其歲廩所入必句稽其數曰兒無以貧故受非分錢不長子孫也。王氏性方嚴行止有節度雖遭詬侮未嘗厲聲色尤不喜談人過。輝祖或偶及之必戒曰汝能不爾優佳此何與汝事。自模它徙晚益窘復來依輝祖。王氏遇以恩禮終其身。徐氏居常布衣操作方歲饑日織布一匹易三斗粟病瘡不休里人爲之語曰莫怕瘡機聲促一匹布三斗粟攤一絮被餘二十年輝祖請易之曰此汝父所予不可易也。及有疾輝祖進人葠湯卻之曰汝父客死吾不獲以此進吾不忍飲也。王氏再三彊之微啜之而已。疾亟訓輝祖曰淡刻者不祥毋以刑名敗先德。孖好心行好事吾無憾矣。卒年五十一。其後二年爲乾隆二十九年有司具王氏徐氏行實聞于

朝得建坊旌門如制又四年而輝祖舉于鄉又七年成進士而王氏卒年六十三

彭紹升曰傳汪氏二節婦者多矣予覽雙節堂贈言集其軼事見于它文多可述者于是綴次之爲之傳輝祖治刑名遇大獄屢有平反蓋二母之教使然也烏呼賢哉

蔣節婦傳

蔣節婦范氏父尊修吳縣廩生宋文正公之裔也節婦年十九歸蔣君天庚居木瀆東里蔣君年十七得咯血疾逾五歲而天時節婦年二十二有女三歲男光祖生甫四月舅姑又年老多病家產日索左右無僕媼節婦手調湯藥出溺器裁縫浣濯胥身親之姑性多患疾發輒督亂難近節婦侍屏息

不敢出聲。夜聞呻吟。輒立起俟視。積久不懈。舅姑既相繼歿。其庶姑亦歿。與夫凡四棺俱在殯。節婦拊而哭曰。嘻。此未亾人之責也。于是辨色而起。積麻。臬刺繡。文日入而息。夜不火。如是者十數年。始克買地葬四棺。而光祖亦既昏且壯矣。初節婦教子嚴。光祖五六歲。卽親爲授書。既就傅。還入內。跣而行。節婦訶止之曰。汝知古訓乎。立容重。手容恭。此何爲者也。光祖旣長。授徒于外。家事節婦主之。歲時祭祀。雖不腆必敬。且潔。乾隆五十年。年八十一。得疾。遇清明享祀。彊起拜跪。如常時。至六月望。自知將終。語光祖曰。吾撫汝六十一年。今日方畢吾事。我無它屬。循天理三字。終身行之可矣。節婦故奉白衣大士。日誦陀羅尼。至是以念珠授光祖。戒勿哭。恬然而

逝自節婦在時以年例合旌光祖屢欲自有司節婦不許曰此常事耳吾豈以爲名乎及旣歿其年冬十一月光祖始具章于蘇州府學教授朱君咨訪得實聞于

朝坊其門曰節孝

論曰子閉關僧舍光祖訪予者再旣見道母范生平志節輒涕淚并下時光祖年六十三矣信乎其爲終身之慕也予哀其志爰次弟所聞爲之傳觀節婦去來之際類有聞于斯道者不然何以能安之若故也光祖誠念母而不以聞道自期焉可乎

蔣貞女傳

蔣貞女者長洲蔣君重光之女也年十四字同城人陳珪珪

年十七夭。女屏人涕泣誓不再字。而珏父母先後歿。女父母念其無依也。別謀擇壻。女聞將以身殉。嫂徐以告。乃卒成其志。越四年。遂歸陳。成禮于殯前。爲夫服。斯衰三年。復爲舅姑。稅服三年。立夫弟。錡次子德洪。爲後。稍長。課讀甚嚴。旣成。昏而德洪夭。尋得遺腹子廷椒。兩世孀居。孀媛弔影遇家門吉禮。輒闔戶枯坐。晚修西方之教。鑪香經卷。泊如也。乾隆五十四年。貞女歸陳三十餘年矣。廷椒具狀聞于有司。旌門如制。又二年十月。以肝疾卒。年五十四。初貞女在室時。父病瘵。日久。女隨生母晨夕侍。暑蚊競集。不少動。或欲揮之。女不可。曰。蚊得一飽。便絕。它噬與其噬吾親。孰若噬吾膚乎。旣歸陳。春秋享祀。必疏食。變服遇父母忌日。輒手潔豆羹。遺歸佐祭。

沒身不忘云。

彭紹升曰。子嘗作四貞女傳。其一爲宋景衛宋。嘗得蔣貞女。宅臨池。爲舟。旁有古柏。屬予書柏舟二字。爲題。蔣以宋故。薄其直而售之。予以是知蔣貞女之爲人也。頃蔣貞女之逝。其姪元城具事實來。乞爲之傳。予敘四貞女。發才難之歎。以奇節高行。每在閨闔閒也。觀蔣貞女之事。不益信哉。

裴微

乾隆二十九年。予在京師。王丈山齋自南來。爲道蘇城近事。其一事云。樂橋之址有李氏子。每晨鬻菜于道。得錢以養母。一日拾遺金一封。歸而遺其母。發之內題四十五兩。母駭而卻之。曰。汝一簞人計。力所得。日不過百錢分也。今什伯倍是。

是殆有大不祥者乎。且彼遺金者。或別有主。且遭鞭責。歟矣。促持去。至其所。會遺金者亦來。語以故。還之。其人得金立馳去。市人怪其弗謝也。隨而聒之。令分金酬賣菜者。其人不肯。詭曰。予金固五十兩。彼已取其五。又何酬焉。于是一市人皆闕適。一有司過而訊之。乃佯怒賣菜者。鞭之五。而發金指其題謂遺金者曰。汝金故五十兩。今題四十五兩。此非汝金也。以授賣菜者曰。汝安得吾鞭。以是償汝也。且而母所謂不祥者驗矣。此真汝金也。促持去。于是一市人皆傳悞其一事云。往歲除夕。有韓氏嫗爲主人使姻家。負一囊醉而遺于道。任老人者持火出門。見之。發其囊。得一篋。中皆金珠。直可百金。倚門候良久。見四五人蒼黃至。中一嫗遺囊者也。老人曰。物

具在語爾主人。明日來自取之。明日主人來還之。王文曰。今之人大都爲財累耳。彼一母一老人。非素封者也。又皆溷迹市井中。乃能是然。則謂世閒無好人。豈其然乎。

南濠姚家街有利濟寺。建自宋紹興五年。康熙四十三年。

聖祖南巡。書額以賜。六十年。鄰火延燒。徒侶四散。嗣後三四十一年間。蓬蒿不翦。積垣敗址。半入鄰舍。主僧二三人。僅蓋數椽。以居。乾隆三十一年。山西諸賈人欲購其地爲會館。具呈于官。知吳縣介玉濤故山西人。陰主其事。慮有阻之者。乃召主僧重傳于廷。俾書券取直。書竟。問重傳別有徒屬否。荅有徒孫儀真。立召儀真至。俾署名紙尾。儀真抗首言曰。寺之興五六百年矣。又重以

仁皇帝御書題額。諸方莫不聞。一旦廢爲民居。蔑三寶亂。
王章誰執其咎。介怒曰。書券者非爾師祖耶。爾逆師祖命。咎
何辭。遂披其頰五問。冒署名石儀真。不應。介曰。汝誠以香火
爲念。顧任其積敗何爲者。儀真曰。僧見欲倡緣圖興復。介曰。
吾安能待汝復咎之十五。重傳曰。僧寧死終不以此手賣寺。
與人介無可柰何。乃曰。限爾半月興工。遲則死。儀真請展一
月。具狀以出。晝夜鳴榔。徧乞南濠街上。居人憐其志。施者踵
集。不一月得金三百。遂興工。閱三月而大殿成。介初慚前事。
欲撓之。會前清河道宋君方家居。白其事于布政使蘇君。請
飭縣爲外護。介乃止。仍命山西人構關帝殿于佛殿前。築戲
臺爲賽神地。蘇亦弗能禁也。儀真字唯實。蘇州人。不受戒爲。

應赴僧

沈忠伯館于上津橋程氏司出納無苟與人交諾必誠行不蹈非禮予友汪大紳亦授徒程氏見而異之曰子性邪亦習而安之邪曰吾嘗聞教于黃先生若木矣始吾貧且困皇皇然如有失也汲汲然常有求也噫殆矣黃先生進而教之曰子母然吾語子吾昔嘗苦貧一日糧不繼將出門千人步于庭日方午顧影忽自咤曰咄七尺男子負圓履方不自重乃從人道一乞字邪且我命固當死出門將安之遂閉門兀坐者三日病且僵忽聞叩門聲彊起徐行啟門則故人者引一力僭粟兩斛錢兩貫入門而吁曰吾過矣吾過矣吾固處子之不以困告也吾不意子之困至于斯也扶予坐呼力買雞

煮湯與粥。鹽而食之。而後去。嗣是予常常閉門。然糧盡輒繼。亦不知何以致之也。子其勉之。吾聞先生言。知命之不可爲也。求者之徒自苦也。而志定。至于今守之。又言先生爲人坦。白。善誘人。習青烏家言。爲人度地。輒曰。佳。欲其子之速葬也。審向背。謹趨避而已。餽以金。不徹。封投之。嚙中。子昏。方與人。奔。門無賀者。忠伯肅衣冠上堂。欲致禮。先生不顧。已而謂曰。忠伯爾亦如許俗邪。忠伯謝不敢。或又言先生家于木瀆時。冒雨入城。輒著木屐往還六十里。或曰。泥滑且顛。先生曰。吾腳頭有眼。性喜茶。貯雨水數十罍。客至。拾松子烹而飲之。晨起。東向坐。吸日華以爲常。旣老。神明不衰。卒年八十餘。

祭文

祭薛家三文

雲冪兮陰凝。雪質質兮層冰。蓀蘭兮萎絕。悵靈修兮難馮。若
有人兮守初服。發鏗鏘兮佩玉。乘赤豹兮從青虬。攬予轡兮
不示折。疏麻兮三秋。悄幽思兮空谷。君佇予兮相違。臨風悅
兮。奏曲握手兮。何言忽分飛兮。無端杼形兮。夢魂贈音聲兮。
新篇我思君兮。不見忽流涕兮。潺湲君舉兮。雲中飄六合兮。
御長風。君歸兮。寢門颯。總帳兮。揚塵鳴。觚兮。考鼓奠。瑤漿兮。
麟脯。君歸兮。未歸嗟。我人兮。心獨苦。山中春兮。芳杜若。鳥鳴
嚶兮。魚樂。君去此兮。安託。江水波兮。悠悠。白日莫兮。芳洲我
思君兮。何處。渺千里兮。離憂。

告汪大紳文

唯乾隆五十七年七月望同學友彭紹升謹告于汪子之靈
曰兄之爲人亦獯亦狂兄之爲文或諧或莊摩尼在握萬影
難藏入儒入佛縱橫莫當削除繩墨廓徹封疆寥寥藝苑孰
與頡頏我與兄交如宮如商亦如攻堅磨厲相將兄今逝矣
宋莫爲鄉人閒天上何處徜徉臨行有贈樹上生薑高山流
水坐斷千霜烏呼尚饗

祭章母沈孺人文

靈巖山下詩人所棲詩人一去曉月猿嘯有女懷清旣嫁而
嫠植乃遺腹衰門獨支埽除錫館禱祀唯時晨炊握粟夕理
殘絲猶四十年諸孫頎頎母曰懷哉久客知歸山下出泉逝
者如斯琴臺宋莫蓮漏依稀遼東鶴化漆園蜨飛稽首覺王

泡影何依。

頌贊

石齋先生手書孝經頌 有敘

予生平親先生手書凡五六向推周忠介碑爲第一頃又
獲收此卷意先生之書莫聖于此矣其斯爲聖之清者乎
爰稽首焚香系以頌曰

文○幽○作○易○箕○奴○演○疇○六○門○悄○閉○淵○精○內○謀○蔚○然○而○變○天○光○迸○
流○爲○星○爲○漢○徧○照○神○州○吁○嗟○先○生○生○丁○晚○造○稽○古○陳○謨○曰○忠○
與○孝○唯○孝○作○忠○服○孔○之○教○勤○勤○手○書○大○文○彌○耀○時○方○蒙○難○亦○
保○亦○臨○一○波○一○礫○鐵○骨○冰○心○白○雲○之○庫○白○鵲○之○岑○旣○安○且○吉○
逝○火○不○侵○三○黜○何○辭○百○身○莫○贖○神○歸○玉○霄○聲○傳○空○谷○猗○我○高○

曾昔年私淑述此頌詞敢忘似續先生致命後歸文昌玉局
康熙中降神我家所傳論

學書
甚具

任公畫像贊

公名環字應乾潞安長治人嘉靖中官蘇州同知海上倭起
由越入吳殘殺甚眾長吏不習兵率觀望畏縮公忼慨請于
上官募新兵奮死擊賊累十餘戰輒捷而公亦身中數創賊
遁蘇松以安論功遷山東參政以母喪乞歸終制卒于家蘇
人祀之方公在軍其子馳書力勸公還官公諭之曰倭賊流
毒多少百姓不得安寧爾老子領兵不能一舉殄滅之嚙齏
裹革此其時也脫有意外之變臣死忠妻死節子死孝咬定
牙關成就一箇是而已聖人謂殺身成仁我于此句曾體認

一○番○此○志○定○順○理○而○行○之○死○生○一○也○予○讀○公○書○肅○容○而○歎○曰○
偉○哉○任○公○其○可○謂○烈○丈○夫○矣○公○八○世○孫○兆○麟○以○公○畫○像○請○贊○
贊○曰○

其○氣○溫○溫○其○容○恂○恂○胡○然○變○色○叱○咤○風○雲○唯○忠○故○勇○見○賊○忘○
身○海○濤○戕○戕○出○生○入○死○殲○彼○鯨○鯢○活○我○赤○子○功○成○告○歸○廟○食○
千○祀○我○讀○公○書○兩○言○在○耳○咬○定○牙○關○成○一○箇○是○持○以○贊○公○佩○
之○沒○齒○

景君碑贊

篆○變○而○捷○奇○巧○日○新○唯○斯○渾○噩○越○漢○追○秦○如○錐○畫○地○如○缶○脫○
鉤○迢○迢○芳○躡○濟○水○之○濱○

孔和碑贊

嘉言罔伏。甲令重光。龍文虎氣。鱗爪莫當。若廉而茂。旣放且莊。炎精未熄。作作其芒。

韓敕碑贊

松挺節夭。矯摩空良。金出火繞。指玲瓏飭我盪豆。震我鐘鏞。穹碑有耀。江漢朝宗。

史晨碑贊

絲竹聲沈。宮牆棘枳。懋哉史君。精通尺咫。有斐其章。雙碑屹爾。如玉如瑩。亦溫亦理。

張遷碑贊

昌也木彊。勃也重厚。如彼大圭。奚煩刻鏤。俗尚輕儇。纖要窄袖。宏我漢京。曰唯求舊。

衡方碑贊

坤二之占。旣方且直。視此刻文。揚休玉色。魯公家廟。是宗是式。心畫在斯。敬戒不忒。

尹宙碑贊

稽如翼如。藝國之容。寬兮綽兮。作聖之功。沈霾百世。吐曜贊宮。惜哉歐趙。未覩奇蹤。

析里橋碑贊

臨溪鑿險。寶梁架空。孰施巨手。刻畫膚功。霜埋勁骨。苔澀英鋒。真精未蝕。吐氣如虹。

石門頌贊

漆園之篇。蠶室之史。如雲出山。如風度水。石門摩天。虛空運

指跌蕩千秋繼者誰子

褒成侯碑贊

巍變劉風實雄且武矯矯孟皇勇斯可賈崖谷塹溪龍蛇鬱
怒抗蔡鞅鍾莫予敢侮

黃氏兩世像贊

并敘

黃孝子名農字古處長洲人平生事父至孝父年五十一
得暴疾星家言明年數當盡孝子大感會除夕書黃紙十
餘願減己齡二十以益父明日徧詣神祠焚之其夕寐覺
喜曰神許我矣已而父果以七十二歲終而孝子乃以三
十二死矣其後父有疾夢孝子手摩其身輒愈事聞于
朝以孝子旌妻金氏守節三十餘年畢兒女昏嫁長齋事佛

不復問家事。卒年六十七。以節婦旌。

古稱聖父子子以齡。孰如子孝。益我所生。如權稱物。此縮彼
贏。如券責償。銖兩必爭。一氣轉旋。無閒幽明。化爲瑞日。煦育
羣萌。爛爲卿雲。翼我太平。爰有嘉偶。克守堅貞。養生送死。顚
頤孤嫠。幡然遠志。引領西傾。茹蔬被褐。嚴淨心城。世出世間。
唯孝斯馨。扇茲香氣。恤彼遺刑。如琴與瑟。千古流聲。

黃處士名商衡。字景淑。孝子農之子也。晚補諸生。好讀先
儒書。服行弗倦。嘗取戢山劉子人極圖說。推行證明。成書
曰困學錄。爲父請旌。罄資力垂二十年。始克建坊。妻周氏。
家素饒。自歸于黃。布衣操作。事姑篤謹。終其身。

易有三極。人道居中。參天兩地。慎獨之功。戢山有作。雒閭是

宗發譜人極道。在反躬山下出泉。果以養蒙。謹言慎動。自始
既終。乃有黃子異代。聞風疏通。攷證殫竭。明聰矢茲。困學厥
德。唯庸。聿新綽楔。

恩賞九重。閨中良友。同心固窮。鉛華弗御。代母尸饗。安節之
吉。克孝克恭。我瞻遺像。敬述芳蹤。化我邦族。閨門肅雍。

箴銘

卻病箴示兄子希韓

水月光中。何分彼我。去吝去私。愛適厥可。心火炎炎。燒汝慧
命。但斷瞋根。可卻百病。瞋從何起。起本無從。回光一照。澤腹
春融。我愛其生物。亦惡於用殺。資生百無一是。滿腔惻隱。覆
育無邊。曰仁者壽。化日年年。

蓮瓣硯銘

純○壹○志○兮○跂○西○方○寶○粦○敷○兮○發○妙○香○流○涓○滴○兮○漏○何○長○彌○大○
千○兮○煥○文○章○

七星硯銘

陵青雲斟北斗造化樞入我手吐光芒出蚪蚪翼皇墳終不
朽

八月八日讀老山莊